




74
6268
T





6268
1

大金集禮目錄

卷第一

帝號上

太祖皇帝即位儀

太宗皇帝即位儀

皇統元年冊禮

天德貞元冊禮

卷第二

帝號下

大定七年冊禮

大定十一年冊禮

大金集禮目錄

廣雅書局



去五味均平藏



卷第三

追加諡號上

天會三年奉上太祖諡號

天會十三年奉上太宗諡號

天會十三年奉上景宣皇帝諡號

天會十四年奉上祖宗諡號

皇統五年增上太祖尊諡

皇統五年增上祖宗尊諡

卷第四

追加諡號下

大定三年增上睿宗尊諡

大一百五十四
小五

大定十九年奉上孝成皇帝諡號

雜錄

天德二年興聖宮上諡儀與皇統五年同兼封遼王事節故并入雜錄

卷第五

皇太后皇后

天會十三年尊奉兩宮太皇太后

天德二年尊奉永壽永寧宮

皇統元年冊皇后

天德二年冊徒單氏

雜錄

卷第六

追諡后

聖穆 光懿皇后

欽獻皇后

欽仁皇后

惠昭皇后

永寧宮

欽慈 貞懿皇后

宣獻皇后

昭德皇后 闕

悼平皇后 闕

卷第七

妃

大一百七十
小三十六

冊太皇太妃

追封

雜錄

卷第八

皇太子

皇統二年誥授儀

天德四年冊命儀

大定八年冊命儀

大定二十七年冊皇太孫

守國儀

雜錄

卷第九

親王公主

親王

宗室

公主

郡縣主

卷第十

皇帝夏至日祭方丘后土同

齋戒

陳設

省牲器

大九十二
小五

變駕出宮

奠玉帛

進熟

祭五岳 四鎮 四海 四瀆

變駕還宮

卷第十一

皇帝祭皇地祇於方丘每年夏至日祭

齋戒

陳設

省牲器

奠玉帛

進熟

望瘞

卷第十二至卷第十七 元有關文

卷第十八

時享上

攝行禮

卷第十九

時享下

攝行禮

卷第二十

原廟上

大九十二
小十五

奉安

卷第二十一

原廟下

朝拜

卷第二十二

別廟

孝成舊廟

卷第二十三

御名

聖節

卷第二十四

赦詔

御樓宣赦

隨朝拜赦詔

外路迎拜赦詔

隨朝拜麻日詔

外路迎拜麻日詔

卷第二十五

宣命

宣麻

賜敕命

送宣賜生日

大九十一
小五

卷第二十六 元關

卷第二十七

儀仗上

行仗

立仗 元關

卷第二十八

儀仗下

皇后鹵簿

皇太子鹵簿

雜錄

卷第二十九

輿服上

輅輦

冠服

皇后車服

皇太子車服

卷第三十

輿服下

寶

印

臣庶車服

卷第三十一

大九十二
小九

班位表奏

班序

命婦

牋表

奏事

卷第三十二

輟朝廢務

輟朝

廢務

休暇

卷第三十三

元闕

大金集禮目錄

廣雅書局

卷第三十四

岳鎮海瀆

祀儀

雜錄

卷第三十五

長白山

封冊禮

雜錄

卷第三十六

宣聖廟

祀儀

大七十五
小五

雜錄

卷第三十七

雜祠廟

宮觀

保陵公

應聖公

嘉慶侯

河神

卷第三十八

沿祀雜錄

卷第三十九

朝會上

元日稱賀儀

聖節稱賀儀

曲宴儀

人使辭見儀

卷第四十

朝會下

朔望常朝儀

雜錄

大七十七
小五

大金集禮卷一

帝號上

太祖皇帝即位儀

太宗皇帝即位儀

皇統元年冊禮

天德貞元冊禮

太祖皇帝即位儀

收國元年春正月壬申朔諸路官民耆老畢會議勅新儀奉上
即皇帝位阿離合懋宗幹乃陳耕具九祝以闢土養民之意復
以良馬九隊隊九匹別為色并介冑弓矢矛劔奉上上命國號
大金建元收國二年十二月庚申朔皇弟諧版勃極烈率百官



宗族奏言自遼主失道奉天伐臯數摧大敵克定諸路功德之隆亙古未有敢上尊號爲大聖皇帝上讓者再羣臣固請從之

太宗皇帝卽位儀

天會元年九月六日皇弟諳版勃極烈卽皇帝位先是宗幹率諸弟暨百官及太祖陵隧之未掩詣上前請卽位上不許謂有先帝諸子是日不克襄事翌日猶不許宗幹曰社稷至重付諳版勃極烈以大位者先皇帝之治命也羣臣不敢有貳遂與諸弟暨百官奉赭袍以被上體而寘璽於懷乃卽位於隧前己未告祀天地丙寅大赦改元

皇統元年冊禮

天會十三年正月二十五日受遺詔卽位頒告天下皇統元年

大三百六十
小五

正月二日太師宗幹率百僚上表曰唐虞無能名其強名者聖作之迹天地有大美欲歸美者物生之常歷觀振古大有爲之君必行當世不可曠之典布在方策炯如日星自非稱謂之安烏足形容其德伏惟皇帝陛下繩其祖武簡在帝心躬勤儉以倡九牧之風禁游惰以勸三農之作外則安集勞來稍節於蒐畋內則恬淡沖虛弗親於聲色六年於此一德惟新適洽弈世之承平具舉前王之闕略鋪張文物藻飾聲明敕五典以示五惇正五行而爲五用代上古結繩之治造聖人合契之書蘊此沈幾固有電雷之威斷發於宸翰豈得雲漢之昭回兼長馳射之通材併作帝王之能事臂使西夏肘加東韓北羌輸產土之良南越致祈天之請云云一視同仁懷小民如赤子九功惟敘

慶多稼於曾孫瑞物充庭頌聲載路若乃嚴恭率典夤畏求端道四時於玉燭之和齊七政於璿璣之運謂親有德饗有道每躬毖祀之儀而應以實不以文曲盡靈承之意所謂崇天也玄功不宰神化自然卷而藏之則鼓萬物以和言擴而充之則彌六合於無外仰公成理好其要不好其詳司契無爲同于道亦同于德所謂體道也而又弗忘兢業益戒盈成有咨詢宿德之勞謙有體貌大臣之殊敬觀書乙夜而緝熙靡懈於初終決事齋居雖近習莫知其喜怒此敬事之欽也包五事以作哲蹈三知之人微挾姦稔數者逆折於將形抱義服忠者亟用如不及見日月照臨之博所照何窮雖鬼神情狀之幽其情安遁茲辨物之明也銳於修完以正百度而有典謨訓誥可舉之文隨所

大五百三十四
小五

指顧克靖四方是謂聰明睿知不殺之武幽深遠近其聖也無所不通篤實光輝其德也有容乃大是以并包禹迹增廣文聲周極皞皞之生民同躋熙熙之聖域聳於聞見孰不揄揚乘乾元首作之初薦天子無窮之問臣等不勝大願謹奉上尊號曰崇天體道欽明文武聖德皇帝詔不允凡三表懇請詔曰博攷藝文敷求古訓謂其尊虛名而徇眾欲不若修實德以承天心故屢卻於奉章將確守於朕志而叩闈愈眾陳義愈堅推讓再三敦迫備至念天自民而聽拒違恐拂於樂推而名者實之賓佩受終期於求稱勉依來請惕懼增深所請宜允七日遣上京留守奭告天地社稷析津尹宗強告太廟十日帝服袞冕御元和殿宗幹率百僚恭奉冊禮冊文曰皇統肇開犧燧因功而紀

號帝圖傳序勳華象德以著稱率皆應億姓之樂推所以對三
靈之眷顧自時厥後何莫由斯國家千載膺期奕世修德重光
積慶應祿統天恭惟皇帝陛下恭承垂裕之休保有無疆之祚
表在躬之瑞旋九宮而乾數周當出震之初闢羣氛而義馭朗
煥八采重瞳之質宅九州四海之尊方其恭默不言淵澂自保
固已照羣臣之哀正洞庶政之後先既而雷動風飛乾旋坤闔
威柄一而奸朋懷懼仁言播而遠近歸心至於博采廷謨奮張
王旅必待有名而後應固非得已而亟行是以戈鋌所臨金湯
失險攻堅易於振槁傳令速於置郵仍以暇時舉脩墜典斟酌
律禮糠粃漢唐損益質文規模虞夏隆功並建振古罕倫然猶
體貌耆英惇敘宗族約己而厚祿秩之賜虛心以求啟沃之言

大五百三十六
小五

府庫不積而均利於農疇聲色不邇而畱神於古訓服御靡崇
於彫飾宮室聊給於會朝田獵習武事而已亦踰月而不行宴
樂給賓享而已蓋非時而不召歷觀前代皆有強鄰各專社稷
版圖互稱命令制誥今則日月所照正朔無殊並開有指之士
疆盡抗至尊之名號加之璿璣正協玉燭時和連珠合璧之祥
居鄉日告千倉萬箱之積比戶歲滋謠頌浹於康衢珍貢來於
絕域乃者別京望幸鑾輅省方屬燕薊之多風積陰霾而浹日
及茲動輅寂不揚塵天地清明人神慶說是以羣工卿尹四海
耄倪並造明廷交修封奏敢敘陳於懿美願深抑於謙沖謂黃
畏嚴恭聰明時憲崇天之實也虛靜恬淡慈儉爲寶體道之驗
也視聽言動復於禮緝熙光明典於學茲謂欽以直己是非可

否究其實幽深遠近得其情茲謂明以察微經緯有方煥乎丕
顯之文威懷兼止赫爾布昭之武固天縱之將聖而多能非學
惟民歸於一德而主善爲師咸五登三豈形容之可及挂一漏
萬慙鋪敘之非工臣等不勝大願謹奉玉冊玉寶上尊號曰崇
天體道欽明文武聖德皇帝立仗一千一百八十人改服通天
冠宴二品以上官及高夏使其行事官奏定上公以太師宗幹
太尉以正員裴滿胡塔司徒以平章昂攝中書令二員正員韓
企先外以待制昂攝侍中三員以平章奕左丞勛左宣徽劉筈
攝右丞蕭仲恭攝門下侍郎參正李德固攝中書侍郎銀朮哥
等四員攝中書舍人趙端甫等二員攝給事中捧冊八員捧寶
四員以耶律紹文蕭以讓等充以胡景山攝刑部尚書以左右

大五百三十五
小五

點檢攝扶持官并奉香合進茶酒盞三員接祖宗神御前茶酒
盞三員其禮部尚書太常卿吏禮部侍郎並以正員已後視此
奏差除正官外竝出宣九日放朝習恭謝并御樓儀十日大禮
十一日高夏正旦人使辭十二日恭謝祖廟還御宣和門大赦
改元

天德貞元冊禮

天德二年二月百官上表奉上法天膺運睿文宣武大明聖孝
之號三月望日行冊禮初七日呈稟訖上冊寶合用行事官正
員外差攝上壽酒上公一員奉冊太尉讀冊中書令一舉冊中
書舍人二押冊吏部侍郎一捧冊官四奉寶司徒讀寶侍中一
舉寶給事中二押寶禮部侍郎一捧寶官四奏告官二行禮侍

中二太常卿二九日呈稟訖 行禮節次受冊前三日合遣使
 奏告天地昊天於南郊地祇於北郊宗廟並以香幣酒脯醢前
 二日諸司停奏刑罰文書兵部率其屬設黃麾仗殿門內二千
 六百人門外四百人宣徽院率儀鑾司設座於殿中間設冊寶
 幄次於大明殿門外設羣官次於大明門外大樂令與協律郎
 設宮縣於殿庭其日奉冊寶訖設登歌於殿上立舞表於殿下
 符寶郎其日俟文武官入奉八寶升置殿上俟上冊寶訖復昇
 還所司其日質明奉冊太尉奉寶司徒貞元儀奉冊太尉讀冊中
 書令讀寶侍中以次應行事官并集於尚書省奉迎冊寶由元
 德正門入至大明門外貞元儀通天正門置冊寶於幄次中冊
 南應行事官分立於左右文武羣臣等并入次朝服攝太常卿

大四百八十
小三十三

與大樂令帥工人入就位協律郎各就舉麾位捧冊官捧寶官
 昇冊官昇寶官由西偏門入至西階下冊寶褥位之西東向立
 俟貞元儀無捧冊捧寶等探閣門報通事舍人引攝侍中版奏
 中嚴訖典儀贊者各就位閣門官引文武百僚分左右入於階
 下軌道東西相向立符寶郎捧八寶由西偏門分入升置殿上
 東西間相向訖分左右立於寶後通事舍人引攝侍中版奏外
 辦扇合服袞冕以出曲直華蓋侍衛警蹕如常初索扇協律郎
 跪俯伏興舉麾工鼓祝奏乾靈之樂出自東房即座儀使副添
 香殿下第一墀香鑪宣徽院另差閣鑪煙升扇開簾捲協律郎
 偃麾敵樂止凡樂皆協律郎舉麾工鼓祝而太常博士通事舍
 人自冊寶幄次分引冊太常卿前導吏部侍郎押冊而行奉冊

太尉讀冊中書令舉冊官

貞元儀進冊舉冊官

於冊後以次從之次太常

博士通事舍人二員分引寶禮部侍郎押寶而行奉寶司徒讀

寶侍中舉寶官

貞元儀進寶舉寶官

於寶後以次從之由正門入宮縣奏

歸美揚功之曲太常卿於冊牀前導至第一墀

貞元儀並云沙墀

香案南

籍冊寶褥位上少置

冊北寶南

太常卿與舉冊官退於冊寶稍西東

向立應博士舍人立於其後昇冊寶冊牀弩手繖子官等又於

其後皆東向太尉司徒中書令侍中皆於冊後面北以次立吏

部侍郎禮部侍郎次立於其後立定

貞元儀冊北寶南太常卿於冊東北向側立自太師

以下於冊寶褥位東序立昇冊牀弩手繖子退立東階下面北

立太尉以下於冊寶褥位西序立昇寶牀弩手繖子退立於西

階下樂止閣門舍人分引東西兩班羣官合班轉北向立

東班為上西班為下

中間小留班路俟立定太常博士通事舍人四員分

大四四十五小一百八十四

引太尉司徒中書令侍中吏部禮部侍郎以次各復本班訖博

士舍人退以俟初引時樂奏歸美揚功之曲至位立定樂止典

儀曰拜贊者承傳太尉以下應在位羣官皆舞蹈五拜班首出

班起居訖又贊再拜如朝會常儀太常博士通事舍人四員再

引太尉司徒中書令侍中吏禮部侍郎復進至冊寶所稍南立

定昇冊寶牀弩手繖子官並進前舉冊寶牀興太常博士通事

舍人二員分引冊太常卿前導吏部侍郎押冊而行奉冊太尉

讀冊中書令舉冊官於冊後以次從之冊初行樂奏肅靈之曲

次通事舍人太常博士又二員分引寶禮部侍郎押寶而行奉

寶司徒讀寶侍中舉寶官於寶後以次從之詣西階下至冊寶

褥位

貞元儀冊寶牀興博士舍人分引太師太尉以下少置冊導從冊寶行樂奏肅靈之曲至西階下冊寶褥位

寶樂止貞元儀樂止大尉以昇冊寶牀弩手繖子官等退於後

稍西向東立捧冊官與昇冊官並進前去冊函蓋取冊匣升太

常博士通事舍人分引冊太常卿側身導冊先升奉冊太尉讀

冊中書令舉冊官捧冊官於冊後以次從升吏部侍郎不升冊

初行樂奏肅寔之曲進至殿上博士舍人分左右於前楹立以

俟舍人在東以俟引讀冊中書舍人自東階還本班讀冊中書

令於欄子外前楹稍西立以俟舉冊官捧冊官立於其後奉冊

太尉從升至褥位奉冊太尉搢笏少前跪置訖執笏俯伏興樂

止太尉退於前楹稍西立以俟太常博士立於後太常卿少退

東向立昇冊官立於其後皆東向捧冊官先入舉冊官次入讀

冊中書令又次入捧冊官四員皆搢笏雙跪捧兩員於冊北一

員稍東一員稍

大四百七十一
小一百三十

西兩員於冊南一員稍東一員稍西舉冊官二員亦搢笏兩邊單跪對舉中書令

執笏進跪稱中書令臣某讀冊讀訖俯伏興中書令俟冊興先

退通事舍人引降自東階復本班訖通事舍人依太常卿降復

寶牀前昇冊官并進與捧冊官等取冊匣興置於殿東閒褥位

案上西向捧舉冊官等降自東階還本班昇冊官亦退太常博

士引奉冊太尉降自西階東向立以俟次捧寶官與昇寶官俟

讀冊中書令讀訖出並進前去寶函蓋取寶蓋升太常博士通

事舍人分引寶太常卿側身導寶先升奉寶司徒讀寶侍中舉

寶官捧寶官於寶後以次從升禮部侍郎不升寶初行樂奏肅

寔之曲進至殿上博士舍人俱退不升並於前楹稍西立以俟

博士以俟引司徒降西階次太尉立讀寶侍中於欄子外前楹

舍人以俟引侍中降西階復本班

開稍西立以俟舉寶官捧寶官立於其後奉寶司徒從升至禱
位奉寶司徒搢笏少前跪置訖執笏俯伏興樂止司徒退於前
楹西以俟太常卿少退東向立昇寶官立於其後皆東向捧寶
官先入舉寶官次入讀寶侍中又次入捧寶官四員皆搢笏雙
跪捧兩員於寶北一員稍東一員稍西舉寶官二員亦搢笏兩
邊單跪對舉侍中執笏進跪稱侍中臣某讀寶讀訖俯伏興侍
中俟寶興先退通事舍人引降自西階復本班訖通事舍人依前復引司徒
昇寶官進前與捧寶官舉寶官等取寶盞興置於殿之西間禱
位案上東向捧寶舉寶官等與太常卿俱降自西階及吏部侍
郎皆復本班昇寶官亦退太常博士引捧寶司徒次奉冊太尉
東向立定博士舍人贊引太尉司徒進詣第一墀香案南禱位

大四百八十一
小一百十二

立定博士舍人稍退典儀曰拜贊者承傳在位官皆再拜訖博

士舍人二員引太尉詣東階升貞元儀捧冊官與昇冊官並進前取冊先升奉冊太師讀冊中書令押冊

人分引冊太常卿側身導冊先升奉冊太師讀冊中書令押冊
進冊舉冊官捧冊於冊後以次從升冊初行樂奏肅宮之曲
進至殿上奉冊太師於禱位搢笏少前跪置訖執笏退樂止太
師與讀冊中書令於闕子外前楹稍東面北立博士舍人少退
於前楹稍西東向立定捧冊官先入舉冊官次入讀冊中書令
又次入捧冊官四員皆搢笏雙跪捧兩員於冊北一員稍東一
員稍西兩員於冊南一員稍東一員稍西舉冊官二員亦搢笏
兩邊單跪對舉中書令執笏進拜跪讀冊讀訖俯伏興立於前
楹東太師之次舉冊捧冊官少退立太常卿降復寶牀前押冊
昇冊官並進前與捧冊舉冊官等取冊興置於殿之東間禱位
案上西向押冊進冊捧冊舉冊昇冊官等俱降自東階還本班博
士舍人引奉冊太師中書令降自東階還本班次捧寶官與昇寶
官俟讀冊中書令讀訖出並進前取寶盞升太常博士通事舍
人分引寶太常卿側身導寶先升奉寶太尉讀寶侍中押寶進
寶舉寶捧寶官於寶後以次從升寶初行樂奏肅宮之曲進至
殿上奉寶太尉於禱位前搢笏少前跪置訖執笏退樂止太尉
俟讀寶侍中於闕子外前楹西面北立博士舍人少退而西側

立押寶進寶舉寶捧寶昇寶官又在其後太常卿少退於前楹
稍西東向立定捧寶官先入舉寶官次入讀寶侍中又次入捧
寶官四員皆摺笏跪捧兩員於寶北一員稍東一員稍西兩員
於寶南一員稍東一員稍西舉寶官二員亦摺笏兩邊單跪對
舉侍中執笏進拜跪讀寶讀訖俯伏興退立於前楹西太尉之
次舉寶捧寶官少退立押寶昇寶官進前與捧寶舉寶官等取
寶盃興置於殿之西間褥位案上東向押寶進寶捧寶舉寶昇
寶官等俱降自西階還本班博士舍人引太尉侍中降西階復
本班太常卿亦從太尉侍中降西階還宮縣奏純誠享上之曲
本班太常博士通事舍人引太師升殿閣門使二員引太尉進至前立定閣門使
至階止博士舍人退不升以俟

揖贊太尉拜跪賀殿下閣門揖百僚躬身太尉稱文武百僚具

官臣等言致賀詞云云貞元儀止云太師致賀詞俯伏興退至階下博士舍

人分引太尉降至東階初降宮縣作肅寔之曲復香案南褥位

立定樂止貞元儀太師降自東階宮縣作肅寔之曲至位樂止博士舍人少退典儀曰拜

贊者承傳太尉司徒及在位羣官俱再拜舞蹈三稱萬歲又再

大一百七十六
小七百二十一

拜訖通事舍人引攝侍中升自東階進詣前楹間躬承旨退臨

階西向稱有制典儀曰拜贊者承傳太尉司徒及在位羣官俱

再拜躬身宣辭云云宣訖通事舍人引侍中還位典儀曰拜贊

者承傳階上下應在位羣臣俱再拜舞蹈三稱萬歲又再拜訖

博士舍人分引太尉司徒就百僚位初引宮縣作肅寔之曲至

位立定樂止貞元儀無分引太尉司徒就位一節及無初引宮縣作肅寔之曲閣門舍人分引

應北面位羣官各分班東西相向立定通事舍人引攝侍中升

自東階當前楹間跪奏禮畢俯伏興引降還位扇合簾降協律

郎俯伏興舉麾工鼓祝奏乾寔之曲降座入自東房還後閣進

膳侍御警蹕如儀扇開樂止捧冊官帥昇冊牀人捧寶官帥昇

寶牀人皆升殿取匣盞蓋訖置於牀前引進司官前導通事舍

人贊引詣東上閣門上進貞元儀進冊官跪進冊狀進寶官跪進寶狀以後內常侍各再拜以次出通事舍人分引文武百僚以次出歸幕次賜食以俟上壽上冊寶禮畢有司供辦御牀及與宴羣臣位竝如曲宴儀攝太常卿與大樂令帥工人入并協律郎各就舉麾位俟等探舍人報通事舍人引三師以下文武百僚親王宗室等分左右入至殿階下稍南東西相向立通事舍人先引攝侍中版奏中嚴少頃又奏外辦扇合鳴鞭協律郎跪俯伏興工鼓祝宮縣奏乾寧之曲服通天冠絳紗袍卽座簾捲內侍贊扇開殿上下鳴鞭夏啟樂止儀使副等添香鑪煙升通事舍人引班首已下合班樂奏肅寧之曲至北向位重行立定中間少畱班路通事舍人引攝侍中詣東階升至殿上少立閣門舍人引禮部尚書出班前北向

大五百一十
小五十八

俯伏跪奏稱禮部尚書臣某言請允羣臣上壽俯伏興躬身通事舍人引攝侍中詣前楹間躬承旨退臨階稍東西向稱曰制可侍中少退舍人贊禮部尚書再拜訖贊祇候復本班貞元儀無承旨一節內侍局進御牀入次良醞合於殿下橫階南酌酒訖禮部尚書典儀曰拜贊者承傳在位官皆再拜訖隨拜三稱萬歲訖平立太常博士通事舍人分引攝上公由東階升初升宮縣奏肅寧之曲殿上舍人少退二閣使揖上公進至進酒褥位樂止宣徽使以爵授上公上公搯笏受爵詣榻前跪進受爵訖上公執槃退至進酒位以槃授宣徽院使訖二閣使揖上公入欄子內贊拜跪殿下閣門揖百僚皆躬身上公奏稱文武百僚具官等稽首言貞元儀無文武百僚具官之文云云臣等不勝大慶謹上千萬歲壽俯伏

興百僚二閣使揖上公出太常博士通事舍人引上公降自東階復本班太常博士通事舍人退上公初降階樂奏肅寧之曲至位立定樂止典儀曰拜贊者承傳上公與在位官皆再拜訖百僚皆躬身通事舍人揖攝侍中進詣前楹間躬承旨退臨階西向稱有制典儀曰拜贊者承傳上公及在位羣臣皆再拜隨拜三稱萬歲訖躬身宣曰得公等壽酒與公等內外同慶閣門舍人贊宣諭訖上公與百僚皆舞蹈五拜訖閣門舍人引百僚分班東西序面殿立博士舍人再引上公自東階升宮縣奏肅寧之曲至進酒褥位樂止上公搢笏宣徽使授上公槃上公詣欄子內褥位跪舉酒宮縣奏景命萬年之曲飲訖樂止上公進受虛爵訖復褥位以爵授宣徽使訖二閣使揖上公退內侍局

大五百一十八
小三十九

昇御牀出

貞元儀無此昇出再進入一節

博士舍人並進前分引降自東階宮

縣作肅寧之曲閣門舍人分引東西兩班隨上公俱復北向位立定樂止典儀曰拜贊者承傳在位官皆再拜三稱萬歲訖平立殿上通事舍人揖攝侍中進詣前楹間躬承旨退臨階西向閣門官先揖百僚躬身侍中稱有制典儀曰拜贊者承傳在位官皆再拜訖躬身宣曰延王公等升殿典儀曰拜贊者承傳在位官皆再拜訖搢笏舞蹈又再拜訖太常博士通事舍人引上公以下合赴宴羣官分左右升殿不與宴羣官分左右捲班出宮縣奏肅寧之曲百僚至殿上坐後立樂止內侍局進御牀入依尋常宴會再進第一爵酒登歌奏聖德昭明之曲飲訖樂止羣官就座傳宣賜起立拜數節次並如常儀 執事者行羣官酒宮縣作肅寧之曲文

舞入觴行一周樂止尚食局進入執事者設羣官食宮縣奏保

大定功之舞貞元儀奏萬國來同之舞三成止出又進第二爵酒登歌奏天

贊堯齡之曲貞元儀奏天錫萬齡之曲飲訖樂止執事者行羣官酒宮縣作

肅寧之曲武舞入觴行一周樂止尚食局進食執事者設羣官

食宮縣奏萬國來同之舞貞元儀奏保大定功之舞三成止出又進第三爵

酒登歌奏慶雲之曲飲訖樂止執事者行羣官酒宮縣作肅寧

之曲觴行一周樂止尚食局進食執事者設羣官食宮縣奏肅

寧之曲食畢樂止閣門官分揖侍宴羣臣起立於席後通事舍

人引攝侍中詣榻前俯伏興跪奏侍中臣某言禮畢俯伏與閣

門舍人分引羣官俱降東西階內侍局昇御牀出宮縣作肅寧

之曲至北向位立定樂止典儀曰拜贊者承傳在位官皆再拜

大五百零五
小六十四

訖摺笏舞蹈又再拜訖再分班東西序立貞元儀東西序立侍中詣榻前跪奏禮畢

扇合簾降殿上下鳴鞭協律郎俯伏跪舉麾興工鼓祝奏乾寧

之曲降座入自東房還後閣侍衛如來儀內侍贊扇開夏啟樂

止通事舍人引攝侍中版奏解嚴所司承旨放仗在位羣官皆

再拜以次出天德二年十二月省去十二字稱號○貞元三年十一月太師思忠等上表奉上奉天崇運至孝大明淵謀睿斷聖文神武之號蒙二十七日稟訖四年正月七日

從上省去十二字餘從所請提點儀仗許霖畢棟禮部下太常寺於已行禮數內

行禮儀仗用三千人增損參詳到下項儀冊用玉簡然總數七十五枚亦從文之多

寡各長一尺二寸闊一寸二分厚五分聯以金縷首尾結帶前

後四版刻龍鏤金若捧護之狀藉以錦褥覆以紅羅泥金夾帕

冊匣長廣取容玉冊塗以朱漆金裝隱起突龍鳳金鏤蓋匣上

又以紅羅繡盤龍蹙金帊覆之承以鍍金裝長於牀鍍金龍首
鍍金魚鉤藉匣以錦緣褥又緹紅絲爲縈匣係天德二年檢照到典禮已經成造

制寶用玉廣四寸九分厚一寸二分篆文填以金盤龍紐絲以

暈錦大綬赤小綬連玉環又玉檢高七寸廣二寸四分皆飾以

金裏以紅錦加紅羅泥金夾帊納於小盞盞以金裝內設金牀

暈錦褥飾以雜色玻璃碧鈿石珊瑚金精石瑪瑙又盞二重皆

裝以金覆以紅羅繡帊承以錦金裝長於牀鍍金魚鉤藉盞以

錦褥又冊寶行馬並飾以鍍金冊寶案並塗以朱漆覆以紅羅

綃金衣實上篆文隱起其地填以金冊檢並真書鐫訖內填以金前三日遣使奏告昊天

帝皇地祇並於常武殿拜天臺設褥位牌昊天上帝當中皇及地祇次西少卻

香茶酒祝版祝版少府監成造學士院撰詞書寫進署訖付宣徽院差控鶴官用牀臺昇覆以黃羅帕隨告官詣

大四百四十五
小一百七十八

所告官就所居清齋一日告日質明宣徽院帥儀鑾司鋪設供

具閤門舍人一員太常博士一員引告官詣神位前再拜每位

上香跪奠茶奠酒再拜太祝讀祝版告官再拜退原廟奏告準

上前二日停奏刑罰文字正月四日六日習儀於大安殿奉冊

及上壽酒並致詞太師奉寶太尉讀冊中書令讀寶侍中進冊

中書侍郎進寶門下侍郎押冊吏部侍郎押寶禮部侍郎各一

舉冊中書舍人舉寶給事中各二捧冊官捧寶官各四行禮侍

中二一奏中嚴外辦及解嚴禮畢一宣制太常卿二一押樂一行禮昇冊寶官依例省大

樂令協律郎二一殿上殿典儀贊者各二一閤門一充太常博士三二引奉冊

寶引太師太尉還班一引太師進酒通事舍人七二引冊寶二引侍中一引太昇

冊十四昇寶案六部令史充內常侍四人分引冊寶入進宣徽院差弩手繳

子百人擡冊寶牀及案前一日尚書省安設及次日行禮并隨
內常侍入進兵部帥其屬設儀仗於殿門內外宣徽院帥儀鑾
司於前一日設御座於殿中間設東西房前楹施禮簾設香鑪
香案於殿下沙墀設藉冊寶褥位於香案南設香鑪二於殿榻
之左右設冊寶幄次於殿門外稍東西向冊北寶南設藉冊寶褥位各
一於榻前設太師賀褥位於欄子北設藉冊匣寶蓋案褥位各
一於殿上東西間設藉冊牀寶牀褥位各一於殿西階下道西
設羣官次於殿門外東上閣門外設置冊寶褥位各一設中書
門下侍郎拜褥各一所司約量陳繖扇於三墀之左右宣徽院
敕所司供辦御牀饌果並差簾外執扇五十人開合如儀依例供奉
官充大樂合協律郎前二日設宮縣於殿庭又設協律郎舉麾

大四百九十
小一百一十

位二一於殿上樂縣西北一於殿下樂縣西北並東向閣門司
設百官位於殿庭如朝會儀又設贊者位於班前東北又設典
儀位於殿階上又設行事官位牌如已定儀才候上冊寶訖還
御幄又設與宴羣臣位於殿上如尋常曲宴儀太常寺其日帥
昇冊寶案官先入置案於殿之東西間藉冊寶褥位上冊東寶西
士院定撰上冊寶訖賀詞并上壽詞宣答制詞及大樂曲名并
曲及登歌詞與奏告祝文書寫進署中書侍郎進冊狀門下侍
郎進寶狀其狀尚書省禮房寫良醞令備酒并殿下酌酒如常
儀尚食排果饌尚衣進冕服通天冠絳紗袍有司備警蹕繖扇
曲直華蓋等儀物符寶郎其日俟文武羣官入奉八寶置於殿
上東西間相向昇八寶用控鶴門仗官四員分立寶後上冊寶訖復還所

司御史臺告報外官刺史已上新除未辭或已辭未發及諸道使人并外官朝奏在都者各依本官職序班次少府監造位牌三十面各長尺二闊一尺厚八分黑油引進司禮畢中書侍郎門下侍郎置冊寶匣盞於牀內常侍四人與引進司官前導通事舍人贊引詣東上閣門上進上冊寶并上壽並如天德儀冊禮後恭謝原廟用天德儀惟不降詔

番禺許之璇初校

北平史悠咸覆校

南海廖廷相再覆校

大金集禮卷一

大四百

大金集禮卷二



帝號下

大定七年冊禮

大定十一年冊禮

大定七年冊禮

大定元年十月□日上即位東京大赦改元十一月十六日有司奉表備禮上尊號聖明仁孝皇帝初羣臣上十有二字上止受四字

大定二年七月禮官討定將來奉安祫享後羣臣當詣東上閣門奉表請增上尊號三年十月七日升祔睿宗祫享禮畢羣臣累奉表陳請未奉俞音五年正月平章政事宗憲率百寮奉表

水金集補卷二
懇請曰雖有大能謙聖人之至德而歸美以報羣下之誠心仰
希從欲之仁薦至瀆尊之請恭維紹開景命克享靈心謳誦所
歸厥數斯在思其艱圖其易勤於邦儉於家廟祔其嚴每厚蒸
嘗之薦陵園是奉時爲省謁之行楚子請盟貢復包茅之入尉
它奉職使因白璧而通文軌大同干戈不用且哀矜庶獄掄擇
羣材分問俗之使以通下情行均賦之令以寬民力蝗螟不害
與沴氣以潛消黍稷惟馨告甫田之屢稔巍巍然高百王之治
迹疊疊乎鄉三代之休風如典策有所未崇在臣子豈遑寧處
夫膺帝命而履寶位是爲應天因民心而啟洪基是爲興祚遠
人來附綏之而已乃修德以尚文得不謂仁文乎王略旣宣服
之而已不窮兵而黷武得不謂義武乎本之以事無不通之聖

大四百二十一
小五

擴之以遠無不燭之明能廣前人之有聲實曰天子之至孝合
茲眾美允矣公言臣等不勝大願謹固請加上尊號曰應天興
祚仁文義武聖明至孝皇帝上猶固讓三月宗憲等復抗表請
曰函章屢貢宸聽未回雖聖心能以自儆在臣下有所未安夫
簡在上帝之心謂之應天紹復先王之業謂之興祚仁以守位
德以撫民無所不通非聖孰能與此先之以愛夫孝何以加乎
道備至明名非虛美臣等不勝大願謹固請加上尊號曰應天
興祚仁德聖孝至明皇帝詔荅曰自臨御以來尙多闕政而羣
工兆姓爲過情之禮以徽號見加章至六上益拒益堅無乃激
於忠愛而志在歸美不能自己歟且以國體之重有不可闕者
邪載念固執予守則恐鬱輿望披襟全善則又難自安其去至

明二字餘用勉從二十三日下詔朕以正隆之失御獲承太祖之貽謀涉道未弘臨政猶淺不意羣工之歸美遽以鴻名而見加奏牘屢陳忠懇難奪朕雖俞允顏實忤怩今已勉受應天興祚仁德聖孝之號尚念邊鄙甫寧民居始奠事無欲速時貴適宜蓋王者必世而後仁禮至太平而大備故須待熙洽之際乃可盡對揚之休所有禮冊當俟他年舉行六年十一月二十三日日羣臣復舉表陳請曰頃奉制書誕揚徽號未崇冊典實鬱輿情今已四方無虞百工允治節令調而五穀稔盜賊息而兆民安咸謂太平適當斯旦伏願俯從忠悃昭受丕儀詔從之七年正月八日遣皇子判大興尹許王告天地判宗正英王文告太廟十一日皇帝服袞冕御大安殿右丞相紇石烈良弼等恭奉

大五百三十五
小五

冊禮冊文曰彤而上者謂之道道之用出於自然物之祖者本乎天天之功歸於不宰然而尊居四大茂育羣生觀妙有而曰希夷擬形容而稱穹昊惟聖運化體道與天強爲之名蓋功德所立者卓對揚其美繫臣庶不謀而同雖猶謙讓以未遑其如樂推而不厭建久安成長治況屬今休騰茂實蜚英聲滋爲壯觀恭維云云剛健中正緝熙光明惟簡在於帝心實矜從於民欲顯膺推戴非以力求大獲纂承其惟自度修德之符歛見應誠之瑞畢臻六氣和而五穀登羣生遂而萬民殖斯可謂之應天自頃禍亂實開聖明拯生靈於阡危安基祚於隍阨宗祏有主人謀與能仗大順而撓干戈征不庭而定皇國北陲蠶寇授首於勢窮南服遠人尋盟於事迫拓統無外返衡弗迷大烈耿

光丕靈承於祖考璇圖寶厯永孚休於邦家斯可謂之興祚兼愛無私博施濟眾下卹刑之詔靡冤不申定寢兵之功惟暴是禁續功臣之世而延其賞去貪人之類而表其廉非至仁孰能與於此爲政則如北辰恭己而正南面昧爽丕顯輝光日新宜民宜人克君克長終始惟一茲尙鑒於湯銘威懷所加肆昭升於禹迹非至德孰能與於此道濟天下識居物先極深研幾通志成務斯可謂之聖宗祊合享祇事惟寅陵寢蠲蒸追懷罔極嗣有令緒能昭先功睦親族而和萬邦通神明而光四海斯可謂之孝未膺顯冊終鬱輿情固拒誠難俞音始下臣等管窺蠡測雖莫際於高深玉振金聲敢奉揚於典禮臣等不勝大願謹奉玉冊玉寶上尊號曰應天興祚仁德聖孝皇帝有司援前代

大五百三十五
小五

舊儀大朝會設黃麾大仗五千二十五人皇統年用一千一百

八十人天德貞元並用三千人二千六百人門內四百人門外舊儀大朝會陳

五輅於庭玉在中金在東象次之革在西木次之皇統行冊禮曾經陳設奏奉敕

旨許用三千人車輅不須陳設六年十二月九日奉冊太尉奉寶司徒

讀冊中書令兼進冊中書侍郎讀寶侍中兼進寶門下侍郎以

宰執攝舉冊中書舍人舉寶給事中各二員捧冊捧寶官各四

員二品三品官攝充押冊吏部侍郎押寶禮部侍郎用正員以

左宣徽同知攝行禮侍中以禮部尚書翰林直學士攝太常卿

十二月二日宣外昇冊匣十八員寶蓋六員昇冊案十二員寶案四

員並用省部令譯史人等及用大樂令一員協律郎太博各二

員典儀贊者各一員通事舍人五員命直學士張景仁撰冊文

禮部侍郎劉仲淵書篆冊寶十一月二日並差劉仲淵等監看成

造冊寶吏部侍郎王璫等提點編排儀仗冊寶用天德貞元制

度曲直華蓋依皇統貞元例止用一柄繖子二人並依貞元例

用明金黃羅方扇五十柄及壇臺上鋪褥用素黃羅仁壽山妨

礙行禮開立正門洞子並拆那絲結茶酒樓子等奏定行禮節

次與天德儀同亦有更異並有皇太子禮故復備錄受冊前三日合遣使奏告天地宗

廟大定十一年儀兼告社稷前二日諸司停奏刑罰文字前二日百官習儀

於大安殿庭兵部率其屬設黃麾儀仗於大安殿門之內外宣

徽院帥儀鑾司於前一日設受冊寶壇臺於大安殿中間又設

御榻於壇上又設冊寶幄次於大安殿門外及設皇太子幕次

於殿東廊又設羣官次於大安門外大樂令與協律郎前一日

大五百小八十

設宮縣於殿庭又設登歌樂架於殿上立舞表於殿下符寶郎

其日俟文武羣官入奉八寶置於御座左右俟上冊寶訖復昇

還所司 上冊寶儀正月十一日其日質明奉冊太尉奉寶司徒讀

冊中書令讀寶侍中以次應行事官並集於尚書省俟冊寶興

乘馬奉迎令人從依導駕人數服飾冊寶至應天門下馬由正門步導入至

大安殿門外置冊寶於幄次冊北寶南昇冊寶牀弩手人等分立於

左右文武羣官並朝服入次攝太常卿與大樂令帥工人入就

位協律郎各就舉麾位昇冊寶案官由西偏門先入置案於殿

東西間褥位置訖各退於西階冊寶牀褥位後捧冊官捧寶官

昇冊匣官昇寶盞官由西偏門先入至殿西階下冊寶褥位之

西東向立俟等探閣門報通事舍人引攝侍中版奏中嚴訖典

儀贊者各就位通事舍人引文武百僚分左右入於殿陛下軛道之東西相向立符寶郎奉八寶由東西偏門分入升殿置於御座之左右東西相向訖分左右立於寶後元昇八寶人下殿退立於殿西東階下稍南通事舍人引攝侍中版奏外辦內侍承旨索扇扇合皇帝服袞冕以出曲直華蓋侍衛警蹕如常儀殿上鳴鞭訖殿下亦鳴鞭已下鳴鞭皆準此初索扇協律郎跪俯伏興舉麾工鼓祝宮縣奏泰進受鎮圭侍臣皇帝執圭出自東房即御座南向釋圭即侍臣承奉立侍於左儀鑾使副添香殿下第一墀香鑪宣徽院另差閣門一員添香鑪香升扇開簾捲協律郎偃麾夏啟樂止凡樂皆協律郎舉麾工鼓祝而後作偃麾夏啟而後太常博士通事舍人二員自冊寶幄次分引冊太常卿前導吏部侍郎押冊而行奉冊太尉讀冊中書令舉冊官於

大四百七十九
小一百一十二

冊後以次從之次太常博士通事舍人二員分引寶禮部侍郎押寶而行奉寶司徒讀寶侍中舉寶官於寶後以次從之由正門入宮縣奏天保報上之曲太常卿於冊牀前導至第一墀香案南藉冊寶褥位上少置冊北寶南太常卿與舉冊寶官退於冊寶稍西東向立以俟應博士舍人立於其後昇冊寶牀弩手等又於其後皆東向太尉司徒中書令皆於冊寶後面北以次立吏部禮部侍郎次立於其後立定樂止通事舍人分引東西兩班羣官合班轉北向立東班以西為上西班以東為上中間少畱班路俟立定太常博士通事舍人四員分引太尉司徒中書令侍中吏部禮部侍郎太常卿舉冊寶官等以次各復本班訖博士舍人退以俟初引時宮縣奏歸美揚功之曲至位立定樂止典儀曰拜贊者

承傳太尉以下應在位羣官皆舞蹈五拜班首出班起居訖又贊再拜如朝會常儀太常博士通事舍人四員再引太尉司徒以次官復進至冊寶所依位立定昇冊寶牀弩手等並進前舉冊寶牀與太常博士通事舍人二員分引冊太常卿前導吏部侍郎押冊而行奉冊太尉讀冊中書令舉冊官於冊後以次從之冊初行宮縣奏和寧之曲次通事舍人太常博士又二員分引寶禮部侍郎押寶而行奉寶司徒讀寶侍中舉寶官於寶後以次從之詣殿西階下至冊寶褥位少置冊北寶南太尉以下以次東向立定樂止昇冊寶牀弩手等退於後稍西東向立捧冊官與昇冊匣官並前進去冊匣蓋置於牀取冊匣升太常博士通事舍人分引冊匣太常卿導冊先升奉冊太尉讀冊中書令舉冊官捧

大五百二十一
小三十一

冊官於冊後以次從之

吏部侍郎不升立於冊牀之西

冊初行宮縣奏和寧之

曲進至殿上博士舍人並於前楹稍東立以俟讀冊中書令於前楹稍西立俟舉冊官奉冊官立於其後奉冊太尉從冊升進至御座前褥位奉冊太尉搢笏少前跪置訖執笏俯伏興樂止太尉退於前楹稍東立以俟博士舍人立於後太常卿少退東向立昇冊官立於其後皆東向捧冊官先入舉冊官次入讀冊中書令又次入捧冊官四員皆搢笏雙跪捧兩員於冊北一員稍東一員稍西舉冊官二員亦搢笏兩邊單跪對舉中書令執笏進跪稱中書令臣某讀冊讀訖俯伏興中書令俟舉冊官興先退博士舍人引太尉中書令降自東階復本班太常卿降自西階復寶牀前昇冊匣官並進前與捧冊舉冊官等取冊匣興

置於殿之東間褥位案上西向捧舉冊官等俱降自東階還本位昇冊官等亦退入百官班捧寶官與昇寶官俟讀冊中書令讀訖出并進前去寶盞蓋置於牀取寶盞升太常博士通事舍人分引

寶盞太常卿導寶先升奉寶司徒讀寶侍中舉寶官捧寶官於寶後以次從升禮部侍郎不升止於寶牀之西寶初行宮縣奏和寧之曲進至

殿上博士舍人竝於前楹稍西立以俟讀寶侍中亦於前楹間稍西立俟舉寶官捧寶官立於其後奉寶司徒從寶升進至御

座前褥位奉寶司徒搯笏少前跪置訖執笏俯伏興樂止司徒退於前楹稍西立以俟太常卿少退東向立昇寶盞官立於其

後皆東向捧寶官先入舉寶官次入讀寶侍中又次入捧寶官四員皆搯笏雙跪捧兩員於寶北一員稍東一員稍西兩員於寶南一員稍東一員稍西舉寶官

大四百九十三
小八十八

二員亦搯笏兩邊單跪對舉侍中執笏進跪稱侍中臣某讀寶讀訖俯伏興侍中俟舉寶官與先退博士舍人引司徒侍中降自西階復本班昇寶盞官進前與捧寶舉寶官等取寶盞興置於殿之西間褥位案上東向捧舉寶官等與太常卿俱降自西階及吏禮部侍郎皆復本班昇寶官等亦俱入百官班典儀曰拜贊者承傳在位官皆再拜皇太子於殿東廊幕次改服遠游冠朱明衣執桓圭先於大安殿後陪侍皇帝升殿於殿上御榻東稍南面西褥位侍立俟太尉司徒上冊寶訖中書令侍中讀冊寶訖俟殿下官皆再拜閣門使揖皇太子出殿典贊儀分引降自東階宮縣奏和寧之曲至褥位立定樂止典儀曰拜贊者承傳皇太子並在位羣官皆再拜訖典贊儀引皇太子升殿東

階宮縣奏同心戴聖之曲至階上二閣使引皇太子詣御座前
 褥位立定樂止二閣使贊拜跪賀殿下通事舍人揖百寮躬身
 皇太子賀詞云誕膺徽號光御珍圖典儀告成寰區均慶賀訖俯伏興二閣使引退至
 前楹階下典贊儀引降自東階宮縣奏和寧之曲至位樂止典
 儀曰拜贊者承傳皇太子及在位羣官皆再拜舞蹈又再拜訖
 且躬侍中於御座前承旨退臨階西向立稱有制典儀曰拜贊
 者承傳皇太子及在位羣官皆再拜訖且躬侍中宣答詞云勉從眾欲
 昭受鴻名禮文既成與卿等內外同慶宣答訖典儀曰拜贊者承傳皇太子並階
 上下在位羣官皆再拜舞蹈再拜訖典贊儀引皇太子詣橫階
 北東面褥位立通事舍人分引應北面羣官各分班東西相向
 立定通事舍人引攝侍中進當前楹閒跪奏稱侍中臣某言禮

大五百十五
小四十四

畢俯伏興內侍承旨索扇扇合殿上興降協律郎俯伏興舉麾
 工鼓祝宮縣奏泰寧之曲皇帝降坐入自西房還後閣進膳侍
 衛警蹕如儀扇開樂止中書侍郎帥昇冊牀弩手繖子人門下
 侍郎帥昇寶牀弩手繖子人皆升殿取匣蓋蓋訖置於牀引進
 司宀前導通事舍人贊引詣東上閣門具狀上進典贊儀引皇
 太子歸幕次通事舍人分引文武百官以次出亦歸幕次賜食
 以侍上壽此下有奪文千萬歲壽俯伏興二閣使揖皇太子出殿至
 褥位典儀曰拜贊者承傳皇太子及在位羣官皆再拜訖躬身
 通事舍人揖攝侍中進詣前楹閒躬承旨退臨階西向稱有制
 典儀曰拜贊者承傳皇太子及在位羣官皆再拜訖躬身宣曰
 得卿等壽酒與卿等內外同慶宣諭訖典儀曰拜贊者承傳皇

太子及在位羣官皆再拜舞蹈又再拜訖通事舍人引分班東
 西序面殿上皇太子搢圭宣徽使授皇太子盤皇太子受盤訖
 皇太子升殿宮縣奏萬壽無疆之曲皇帝舉酒時殿上下並侍
 立羣官皆再拜飲訖皇太子進至御榻前受虛盞訖樂止復禡
 位以虛盞并盤授宣徽使訖二閣使揖皇太子執圭退侍儀司
 昇御茶牀出典贊儀進前引皇太子降自東階宮縣奏和寧之
 曲東西班羣官俱復北向立皇太子復位立定樂止典儀曰拜
 贊者承傳皇太子及在位羣官皆再拜訖躬身殿上通事舍人
 揖攝侍中進詣前楹閒躬承旨退臨階西向稱有制典儀曰拜
 贊者承傳皇太子及在位羣官皆再拜訖躬身宣曰延皇太子
 王公等升殿通事舍人揖攝侍中退典儀曰拜贊者承傳皇太

大五百三十四
 小十

子及在位羣官皆再拜舞蹈又再拜訖典贊儀及閣門通事舍
 人分引皇太子及王公以下合赴宴羣官分左右升殿與宴官員數宣
徽院取旨不與宴羣官卷班出宮縣奏和寧之曲皇太子及百寮至
 殿上位後立樂止侍儀司進御茶牀入依尋常宴會再進皇帝
 第一盞酒進酒官係宣徽院長貳官登歌奏王道昌明之曲飲訖樂止羣官就坐
傳宣賜酒起坐拜數節次並如常宴會儀執事者行羣官酒宮縣奏和寧之曲文舞
 入觴行一周樂止尚食局進食執事者設羣官食宮縣奏功成
 治定之曲舞三成止出又進皇帝第二盞酒登歌奏天子萬年
 之曲飲訖樂止執事者行羣官酒宮縣奏和寧之曲武舞入觴
 行一周樂止尚食局進食執事者設羣官食宮縣奏四海會同
 之曲舞三成止出又進皇帝第三盞酒登歌奏嘉和之曲食訖

樂止執事者行羣官酒宮縣作和寧之曲觴行一周樂止尚食局進食執事者設羣官食宮縣奏和寧之曲食畢樂止侍宴羣官起立於席後再拜訖通事舍人引攝侍中詣御榻前俯伏跪奏稱侍中臣某言禮畢俯伏興通事舍人分引羣官俱降東西階皇太子依朝會宴例更不降謝侍儀司昇御牀出宮縣奏和寧之曲至北方位立定樂止典儀曰拜贊者承傳在位官皆再拜舞蹈又再拜訖通事舍人引分班東西序立內侍承旨索扇扇合簾降鳴鞭協律郎俯伏跪舉麾興工鼓祝宮縣奏泰寧之曲皇帝降座入自西房還後閤侍衛如來儀內侍贊扇開夏啟樂止通事舍人引攝侍中版奏解嚴所司承旨放仗羣官以次出

六年十二月十七日敕旨詳定恭謝太廟之禮二十一日有司

大四百九十七
小四十五

奏請令因天下推戴昭受大冊若備禮恭謝太廟廣奉先之孝正合禮儀從之於七年正月二日行禮十四日御應天門制曰朕以菲德獲承至尊賴祖宗燕翼之謀啟國家興復之運以至邊鄙撤警民人奠居永思積累於咸平何敢康寧於夙夜鴻名顯冊實所未遑懇請交章誠難固拒乃涓穀旦昭受上儀旣揚對天之休宜厚錫民之福可大赦天下內外大小職官並與覃恩

大定十一年冊禮

大定十一年八月詔以十一月十七日有事於南郊十月五日太尉李石率百寮奉表請曰帝王之典莫大乎承天臣子之心不忘於歸美蓋至德答乾坤之貺宜貴名增日月之光伏惟云

云不釐耿命廣闢皇圖寅畏嚴恭簡帝心而上應高明光大繩祖武以勃興守位曰仁爲政以德聖心通物之微隱孝治廣民之儀刑迄用康年惟時懋敬憲唐虞之稽古監殷夏以從周由用天休肇稱郊祀祖廟社稷罔不肅祇羣神山川於茲望秩斷自緝熙之學敷爲經緯之章至若江淮來同海隅肆靖西旅之陪臣跋扈詔始問而卽誅朔幽之羣醜逋逃兵一臨而得雋暴禁亂止眾和民安四方無虞諸福畢至功德若茲民臣何報惟有對揚於鉅典庶幾推謝於鴻恩臣等以爲禮無不敬之謂欽經緯天地之謂文所覆者大之謂廣保大定功之謂武臣等不勝大願謹加上尊號曰應天興祚欽文廣武仁德聖孝皇帝詔不允十一月二十一日辛卯李石復奉表進曰天因人而聽順

大四百九十六
小五

人則天亦弗違名者實之賓有實則名其可已茲者羣情之歸美以其偉績之無前抑而未從悚然失措夫正心而誠意脩己以安人至於出入起居罔不嚴恭寅畏謹四時而致孝享敬五事而承天心此欽之實也仁義立廉恥張禮樂明法度著建中和而爲皇極求儒雅而闡大猷以來遠人以洽四國此文之實也富有之謂大業德容以受丕基恢然如乾道之包涵博哉如乾元之持載無此疆與爾界皆一視而同仁此廣之實也授神略以折遐衝稽長道而屈羣醜陟威懷之禹迹小綏定之唐功七德頌乎止戈一戎昭乎除亂此武之實也實旣如此名宜謂何伏望聖慈從人之願上猶固讓凡三表懇請且謂南郊迎至以報天惟國家之熙事聖人備道而全美屬臣子之揚休從古

已然故實具在伏望少忘冲挹俯賜矜從高拱穆清不受典冊
答神祇之靈貺協臣庶之歡心詔從之十一月十九日遣皇子
判大興尹越王告天地判宗正壽王爽告宗廟樞副耶律告成
社稷二十二日皇帝服袞冕御大安殿李石等率百寮恭奉冊
禮冊文曰聖人大德必得其名天下懽心以奉其上蓋千歲所
接之統是二者相須而成若稽詩書之格言具載帝王之能事
巍巍之治發見於都俞赫赫之功形容於雅頌其有賡歌帝作
對揚王休匪今則然其來尚矣恭維祥發上帝統承武元申命
用休從民所欲當正隆之失馭聖緒幾危自華表以飛龍皇綱
載整方是時也遼餘孽寇肆逆滔天江左新君寒盟爭地爰赫
斯怒以修我戎俾兇渠授首於勢窮遐裔革心於理曲蓋天之

大五百三十六
小五

所助者順而邦其永孚於休然後體乾元以長人法辰極之居
所仁不遠異德惟日新聖而無所不通孝則昭哉嗣服固已鋪
闋休揚偉績建顯號薦尊名夫惟充實之有光未究殊尤之絕
迹若夫兢兢業業思政之恆穆穆皇皇臨朝之肅禮法自國貴
始威儀作民恭先於其禴祠烝嘗必以齊莊中正憲唐虞之稽
古監殷夏以從周大報年豐肇稱郊祀社稷宗廟罔不肅祇羣
神山川於茲望秩馨香薦其明德禮樂備於太平惟其學有緝
熙是以法成經緯至於燾載之內聲教所加共惟帝臣莫非王
土南訛朔易時靡有爭西暨東漸罔不率俾亦由有常德以立
武事耀神武以折遐衝如霆如雷于疆于理党項之陪臺稱亂
詔始問而伏誅柔然之種落不庭兵一征而獲醜事無遺策師

不踰時四海永清諸福畢至故臣民咸尙其慶謂德業有光於前由是稽首颺言竭誠歸美神功不宰蓋亦強爲之名聖度能謙僅得勉俞其請臣以爲懋敬厥德之謂欽化成天下之謂文無思不服之謂廣功成止戈之謂武臣等不勝至願謹奉上玉冊玉寶加上尊號曰應天興祚欽文廣武仁德聖孝皇帝敕旨儀仗用二千人車輅不須陳設奉冊太尉奉寶司徒讀寶侍中進冊狀中書侍郎讀冊中書令進寶狀門下侍郎以宰執攝舉冊中書舍人舉寶給事中各二捧冊捧寶官各四太常卿二押冊吏部侍郎押寶禮部侍郎正官外以三品攝充以左宣徽同知攝行禮侍中十一月十一日命學士院張景仁撰冊文待制王彥潛書篆冊寶十一月九日應差行事官及冊寶制度監造次第並十九

大五百三十三
小十一

日奏定行禮節次並用大定七年禮例惟以加上尊號不比初受冊不用恭謝儀尊冊禮成二十四日制曰朕以祖業惟艱天下至大圖惟負荷莫敢荒寧賴九廟貽謀三靈協贊仁征義伐時靡有爭長治久安慮無遺策諸福之物畢至萬邦之年屢豐邇者干羽敷文郊宮肆祀禮樂明備神祇燕寧是皆多助之致然豈獨眇躬之能爾而羣工在列徽號見加懇請既堅再辭不獲載念俛從於眾欲亦將上合於天心肆膺備物之儀用荅樂推之望今已勉受應天興祚欽文廣武仁德聖孝之號於戲政成則歸美故當通上下之情有大而能謙敢自忽盈成之守布告遠近咸使聞知

番禺許之璇初校

北平史悠咸覆校

南海廖廷相再覆校

大金集禮卷二

大二百五十八
少十

大金集禮卷三

追加諡號上

天會三年奉上太祖諡號

天會十三年奉上太宗諡號

天會十三年奉上景宣皇帝諡號

天會十四年奉上祖宗諡號

皇統五年增上太祖尊諡

皇統五年增上祖宗尊諡

天會三年奉上太祖諡號

天會三年六月諸版勃極烈杲等奉表曰功與天同者非天不可以儷觀德與地合者非地不足以齊稱昔在三皇以同天之

功而爲喻降及五帝以合地之德而建名故功德克配於乾坤則稱號久光於竹帛仰惟先大聖皇帝撫興隆之運膺眷命之休奉天討以除殘運神謀而制勝曾不十載底定四方代虐以寬拯遼民於焚溺交鄰有道得宋國之服從豈非百代之閔休抑亦羣生之幸會方期定鼎遽泣遺弓皇帝陛下以同氣之親隆奉先之孝誕布聖武訖成代功茲垂烈於無窮實肇基之有自敢上強名之號願新追冊之儀日月之光雖不容於繪畫海嶽之施庶少報於涓埃詔荅曰先聖登遐眇躬繼祚念大勳之已集顧尊謚之猶稽卿處元良性資純孝請行追冊之禮深契永思之懷所請宜允十二月二十三日奉上冊寶冊曰孝弟嗣皇帝臣諱謹再拜稽首上言曰蓋聞創丕基樹鉅本將慶流於

萬世者先王啟後之功揚鴻懿薦大名使輝映於百王者後世奉先之道實始終之鉅美亦今古之通行者也伏惟兄大聖皇帝膺輝魄之元符握滎河之祕紀三靈協贊千載勃興居多淵靜之謀動合變通之道御家以儉遵夏禹之卑宮刑國以輕體漢高之約法加以神襟豁達聖器英雄乘覆昏取亂之機奮濟世安民之略周文已出知殷滅之有期唐祖既生見隋亡之不遠頃者有遼訖運昏主承家狎侮太平荒迷多罪先絕鄰好曲造兵端旣誘納我叛亡又侵圖我邊鄙天實厭棄民日怨咨戚旣自貽禍將孰免繫天下起旱霓之望我聖人行時雨之征親御六師用申九伐人病大江之阻自得通遠兵臨巨敵之來占瑞火故能一舉取遼霄再舉下燕雲何銳敢前無堅不破方

當秦野肆追亡鹿之蹤俄值軒湖長往飛龍之駕大命有屬微躬口口弗遑康寧勉思述繼百神假手果拔怨叛之根四海驩心遂定神明之器蓋憑成算獲畢前功敢忘歸報之誠嚴奉追崇之號拓地開封之謂武體乾啟祚之謂元合以爲名庶其稱德謹奉玉冊玉寶恭上尊號曰武元皇帝廟號太祖伏願耿光不泯與日月以俱垂休烈無窮將山河而共久格思神馭膺此縟儀尙期顧歆永有蒙賴冊禮畢其日詔曰朕以眇躬嗣膺丕緒伏念先皇帝生資神武卓冠古先威震如雷霆道大若天地日月所照罔不歸仁豚魚之微亦皆被澤念豐功厚德當盡顯揚賴元老宗工有所協贊比覽章奏深協朕懷穀旦式涓上儀爰舉以天會三年十二月二十五日恭上尊諡曰大聖武元皇

大五百三十五
小五

帝廟號太祖於戲肇無疆之業至聖人以難名彰莫大之功非隆謚而易稱布告中外咸使聞知

天會十三年奉上天宗諡號

天會十三年三月將進冊太宗皇帝行禮五日宣付司空昱攝太尉左丞相宗翰攝中書令進冊左監軍谷神攝侍中奉寶郎君查剌郎君阿骨打攝中書令奉冊西京畱守高慶裔攝門下侍郎讀寶兵部侍郎烏魯翰林學士韓昉攝中書侍郎讀冊禮賓使末里等二員攝給事中舉寶遙郡木者等四員攝中書舍人舉冊攝太常卿太常博士各二攝典儀二七日奉上冊寶冊曰維天會十三年歲次乙卯三月甲戌朔七日庚辰哀孫嗣皇帝臣諱謹再拜頓首言曰伏以乾坤覆載之功非俄可度而俄

可測耳目見聞之外或名曰夷而名曰希乃知妙出於器形尙有強加其稱謂故帝皇以降號謚攸存生以表其殊功沒則節其大惠率由錫命於上帝將用式孚於後人非臣子之所得專在典章而不敢闕宜迹所行之大用光不朽之傳伏惟大行皇帝廣淵清明篤實純粹渾然德性而無所畛域發乎事業則休有烈光始乎太祖之濯征常以介弟而居守推恩撫眾而內益固本務穡節力而外無匱供好經遠猷克斷大事共能定天下之業豈特寬關中之憂兆姓與能百靈眷德位肆定於主器心常戢於在淵將嗣丕圖猶云菲德推戴之始躬三讓而克誠臨御以來明兩作而善極每念前人之圖事欲終下武之代功於時民望尙殊邦統未一遼主之竄越也收合餘燼宋人之背誕

大五百一十
小五

也包藏禍心爰命進師密授成算奉天致討惟日奏功故纂服之後不數年其係組而來凡三帝萬里共貫六合一家曾無專享之私遂定久安之勢畫封守之正域選賢能而爲邦物肅德威人服義舉處衽席無爲之逸鳩方冊不載之功必也聖乎其可知已若乃茂昭孝德彙奉先猷殆將一德而順稽非止三年而不改議有俯迫政或當更泣祖訓於手澤之餘下莫仰視畏神威於屋隅之近躬若無容繼述之間慎重如此其知人則哲乃在官惟賢慎簡親勳共位將相有大用之材使各盡於不賞之功無所疑實駕馭以知方故優游而成治至於敬宗立愛齒族俱尊內外敦序而無間言飲食洽比而有餘惠禮貴情稱實嫌名浮不疑而物亦誠好靜而民自正無玉食自奉禹儉不過

以茅茨是居唐風載郁好善言惡旨酒遠佞人放鄭聲道交萬物而用必以時法約三章而刑不畱獄燕殿達窮民之告上都禁末利之游疾苦周知澆競自息謂七德戢兵也切戒黷武謂八政先食也每親督農第知安民之難未嘗以位為樂謙抑不德而德逾有淵默不言而言乃謹以故協氣橫流大田屢稔瑞靡不至史無絕書殆莫得以殫論可概言其所覩金仙效像有素鵲之為先國犬觸邪豈神羊之待嗾乃德之致非人所能執貺丕昭幽明胥悅巍乎蕩乎能事之斯畢猗歟那歟聖功之無加天下大安王位孔固是宜平格以得壽遽告彌畱而弗與爰屬眇躬肆膺大寶舍子不立莫窮為度之弘於祖丕承方懼貽謀之忝勞疚茹嘆克窮靡違會同軌以來階俟遣車之即遠而

大五百三十五
小五

有宗工元老儒學禮官討論墳典之中斷自羲軒而下揚權大美發揮英聲道惟最高極萬物以無稱名將終易煥七世之可觀或髣髴其形容共擬議其崖略與定款郊之請以張對天之休謹遣攝太尉皇叔祖大司徒昱奉玉冊玉寶上尊諡曰文烈皇帝廟號太宗伏惟昭格至靈俯歆徽號永錫介祉以綏後昆嗚呼哀哉臣謹言

天會十三年奉上景宣皇帝諡號

天會十三年九月將追冊景宣皇帝惠昭皇后行禮一日命尙書令宗磐攝侍中進寶錄尙書事宗幹攝中書令進冊左丞相宗翰攝太尉郎君烏都不二員攝侍中奉寶左監軍谷神郎君勛攝中書令奉冊西京畱守高慶裔乾文閣直學士蔡靖攝門

下侍郎讀寶禮部尙書韓昉樞密副承旨趙輪攝中書侍郎讀冊金吾蕭慶等四員攝給事中舉寶乾文閣待制吳激等四員攝中書舍人舉冊攝太常卿太常博士典儀各一員二日奉上冊寶冊曰德高聖人而無其位裕在後昆子有天下則歸所尊古隆此禮故周武追王於文考漢宣正位於悼皇皆所以奉亡如存飾終昭遠昊天欲報誠難究於生成大道無名或強加其稱謂方改園陵之卜宜新簡冊之輝伏惟皇考性稟乾剛望崇震嫡廓有大度鬱爲英風安民之志出自妙齡幹國之功流於今日肇邦有夏雖由湯后之勃興舉事亡隋實賴秦王之早計初自義旗旣建戎輅徂征提銳旅以偕行誓羣豪而先倡謀猷克壯騎射兼能決機事則不疑見大敵而愈奮長於將將萬夫

大五百一十
小五

之政不足觀意在賢賢一个之善未嘗失人推幹蠱士勇同仇濯濯威聲遂成德畏桓桓忠節率自孝移遂協濟於天功俄永清於海內辰極旣正匕鬯宜歸文帝至公輒拒有司之請與夷善讓終推仲父之功視天下以若遺曾胸中之不介歷古無幾非聖而何若乃朝夕問安左右致養勤而不懈樂且有餘宗族皆以孝稱昆弟未嘗言間其直也正人之曲其質也安俗之淳儼若神明莫之敢犯坦無城府亦以易從富貴不驕聲色不溺與人同羽旄之樂處躬無彫峻之華賢愚莫遠於聰明善惡必期於進退虛徐戒智者之察隱卹知小人之艱蓋惟道以是從誠不聞而亦式天資至德備眾美而無得稱地本元良在羣情之實所係何禳象之告變遽靈儀之上賓九族爲之痛心百姓

嗟乎無祿自惟冲幼夙遭閔凶頃以眇身猥承大統雖太宗大義之及此實昭考餘休之至然十二載之于今無從所怙萬一分之有荅豈可弗爲用罄厥圖莫如攸稱稽合前世詢逮羣工咸謂論以孝思大者莫如嚴父求之禮意卑則不可臨尊倘微稱以未加實大典之有闕是用自上帝以請命令元龜而卜辰將垂萬世之休奉聯二聖之號謹遣攝太尉皇伯尚書令左丞相都元帥宗翰奉玉冊玉寶上尊號曰景宣皇帝廟號徽宗三日以追尊烈考考妣禮成百僚奉表賀曰聖子神孫膺期適駿烈考文母正名垂鴻爲帝者之大榮宜臣哉之胥慶伏惟睿蘊生知愛敦終慕駒馳過隙嗟日月之不我留龍飛在天視富貴之無以樂欲報之德不忘於心故能尊其所尊可謂孝乎惟孝

大五百三十五
小五

爰遵舊典仰奉徽稱亦既追王宜載隆於異數本爲繼祖非謂顧其私親葬循周武以肆遷事比漢宣而更異駿奔清廟贊大禮以告成鷺集冊庭對宏休而歸美

天會十四年奉上祖宗謚號

天會十四年八月丙申朔詔曰蓋聞積厚者流遠德隆則報豐乃古今之達道也朕仰惟祖先奕世修德皇基帝迹濬發其祥而徽號未崇誠爲闕典者太祖太宗方經啟恢廓故不暇給夫禮時爲大惟子紹膺多福天地底平大禮尙稽惕然增懼追王固聖人之制然歷代以降世數不同亦有昆弟相及者立大功者皆極其號其與百官羣採故實以今況古務求厥衷更當迹行累功用節大惠朕將請於帝以永無窮之傳十五日文武百

僚太師宗磐等上議曰伏以國家肇造區夏四征弗庭太祖武
元皇帝受命撥亂光啟大邦太宗文烈皇帝繼志率伐奮張皇
威原其積德累功所由來者遠矣皇帝陛下聖敬昭孝光於前
人深惟草創之初日不暇給追崇大典理若有待爰詔公卿暨
百執事講求所以報本尊統貴始尚親者事體至重誠非疑聞
虛說所得輕議臣等竊攷書傳所載有天下者皆立七廟三昭
嚮明三穆北向太祖東向有虞夏后皆祖顓頊殷之立王周之
后稷禘所自出推以配天功大者建萬世而不祧親盡者至四
世而迭毀歌舞發揚薦裸升降皆有常數著爲定規至於加上
帝皇之稱是正祖宗之序漢魏以來隋唐而上侈或不度務廣
厥先陋則失中至貴其近何以存至公之義貽百代之規且禮

大五百一十

小五

多爲貴固前籍之美談而德厚流光實本朝之先務伏惟皇九
代祖廓君人之量挺御世之姿虞舜生馮遷於負夏太王避狄
邑此岐山聖姥來歸太原肇發皇八代祖皇七代祖承家襲慶
裕後垂芳不求赫赫之名終大振振之族皇六代祖徙居得吉
播種是勤去暴露獲棟宇之安釋負戴興車輿之利皇五代祖
貝勒英雄邁世美略濟時成百里日闢之功戎車旣飭著五教
在寬之訓人紀肇修皇高祖太師質自天成德爲民望兼精騎
射往無不摧始置官師歸者益眾皇曾祖太師威棱震俗機警
絕人雅善運籌未嘗衿甲臨敵愈奮應變若神皇曾叔祖太師
道宣知言智窮博識始構經營之力卒成奄宅之勳皇曾叔祖
太師機獨運心公無私物四方聳動諸部歸懷德威兩隆風俗

大定皇伯祖太師友于盡愛國爾惟忠謀必罔愆舉無不濟累
代祖妣婦道警戒王業艱難俱殫內助之勞實著始基之漸是
宜采羣臣之僉議酌故事以遵行款帝於郊稱天以謚謹案謚
法布義行剛曰景主義行德曰元保民耆艾曰明溫柔聖善曰
懿請上九代祖尊謚曰景元皇帝廟號始祖妣曰明懿皇后中
和純備曰德道德純一曰思請上皇八代祖尊謚曰德皇帝妣
曰思皇后好和不爭曰安好廉自克曰節請上皇七代祖尊謚
曰安皇帝妣曰節皇后安民治古曰定明德有勞曰昭尊賢讓
善曰恭柔德好眾曰靖請上皇六代祖尊謚曰定昭皇帝廟號
顯祖妣曰恭靖皇后愛民立政曰成辟土有德曰襄強毅執政
曰威慈仁和民曰順請上皇五代祖貝勒尊謚曰成襄皇帝廟

大五百三十五
小五

號昭祖妣曰威順皇后愛民好與曰惠辟土兼國曰桓明德有
勞曰昭執心決斷曰肅請上皇高祖太師尊謚曰惠桓皇帝廟
號景祖妣曰昭肅皇后大而化之曰聖剛德克就曰肅思慮深
遠曰翼一德不懈曰簡請上皇曾祖太師尊謚曰聖肅皇帝廟
號世祖妣曰翼簡皇后申情見貌曰穆博聞多能曰憲柔德合
眾曰靜聖善周聞曰宣請上皇曾叔祖太師尊謚曰穆憲皇帝
廟號肅宗妣曰靜宣皇后慈愛忘勞曰孝執事有制曰平清白
守節曰貞愛民好與曰惠請上皇曾叔祖太師尊謚曰孝平皇
帝廟號穆宗妣曰貞惠皇后愛民長悌曰恭一德不懈曰簡夙
夜共事曰敬小心畏忌曰僖請上皇伯祖太師尊謚曰恭簡皇
帝廟號康宗妣曰敬僖皇后仍請以始祖景元皇帝景祖惠桓

皇帝世祖聖肅皇帝太祖武元皇帝太宗文烈皇帝爲永永不
祧之廟須廟室告成涓日備物奉上寶冊藏於天府施之罔極
二十一日熙宗實錄
云丙辰奉上九代祖妣尊諡廟號是日百僚上表
稱賀

皇統五年增上太祖尊諡

皇統五年六月三日詔曰自古繼體守文之君必以遵制揚功
爲本乃弘宣於令問用茂對於先靈恭惟太祖武元皇帝立德
昭升帝心簡在櫛風沐雨躬創業之艱難仗鉞秉麾拯生民於
塗炭集成大統垂裕後人致今日之太平自睿謀之先定方廟
祔以明崇建庶可寧神而謚號之所推尊尙多遺美音容如在
夙夜靡遑蓋禮有貴於沿情事亦存於師古爰資率籲恭議咨

大四百九十四
小十二

揚宜令尙書省集百官五品以上與禮官共議增上謚號仍詳
具典禮以聞禮官議自古辨祀以南北郊太社太稷太廟爲序
若太廟神主便行製造了畢卽合題尊謚擇日奉安恐在郊社
之前於禮未倫俟築郊兆了畢擇日奏告昊天上帝皇地祇次
奉安社稷神主及奏告其次恭造太廟神主題號奉安入室以
此爲序元奉敕旨候到上京行禮不見元奏目內有無指定俟
修建太廟奉安神主以後行禮或只於慶元宮奉上謚號若俟
奉安太廟神主禮畢方奉上謚號冊寶卽百官並合法服兼以
皇帝所御殿合立黃麾仗及殿中省細仗太廟殿前亦合立黃
麾仗其冊寶在路亦合量設儀仗若太廟未奉安只於慶元宮
上冊寶卽行事及立班官並用常服及依例量用大小旗甲騎

門仗官供奉官引從冊寶綵服若奉安後發冊卽御服通天冠及絳紗袍若只就慶元宮卽幞頭紅袍并慶元宮上冊寶卽將來題太廟本室神主便可用新謚若於太廟先奉安神主卽先題舊謚及至就本室上冊寶又須改題新謚有兩節不同五月九日擬奏告於太廟上冊寶竊慮法物樂舞難辦只於慶元宮上冊寶從之六月十九日命禮部尙書翰林承旨宇文虛中撰冊文二十二日差應奉王競等二員監看成造冊寶吏部員外郎高鳳庭等二員監看成造盃匣牀並沿寶法物寶用玉約加上字數用方四寸以上五寸以下冊用玉石依宋會要上尊號制度與天德貞元制度同不該簡數九月二十五日命太傅左丞相宗弼充大禮使會監牧裴滿達攝侍中奉寶平章勛攝侍

大五百三十五
小五

中讀寶平章奕攝中書令奉冊左丞宗憲攝中書令讀冊以右丞蕭仲恭參政李德固攝引寶門下侍郎同判失盧果吏部尙書攝引冊中書侍郎以吏部戶刑工部尙書充舉冊寶官十月三日奏準奉上尊謚冊寶儀前期有司供張辰居殿神御牀案少府監鉤盾署設燎薪於殿庭西南掘坎於其側儀鑾司設小次於辰居殿下東廂又設冊寶幄殿於景暉門外東仗舍殿前司宣徽院量差甲騎大小旗鼓門仗官香輿自製造冊寶所迎奉冊寶奉安於幄殿行事官製造官皆騎馬引從門下中書侍郎在前侍中中書令在後大禮使又在後舉昇奉冊寶官製造官分左右夾侍以北爲上皆給人從錦帽衫帶是日未明翰林使太官令丞鋪設香案酒果供具牲體膳脩於神御前儀鑾司

設皇帝拜褥四一在阼階上面西一在香案南面北一在殿上東欄子內面西一在燎薪之東面西設黃道自小次至阼階褥位質明有司備常行儀仗駕頭扇篋常朝官常服騎馬執鞭前導以此為上仍給人從錦帽衫帶造冊寶官排辦管句官常服於慶元宮門外立班迎駕再拜皇帝自宮中服靴袍御馬至景暉門外下馬步入小次少頃御史臺催班大禮使行事官自幄殿奉冊寶入正門置於辰居殿西階下大禮使歸押班位閤門使奏班齊太常卿奏請皇帝行奉上冊寶之禮凡奏請皆俯伏興跪奏畢就一拜起宣徽使太常卿分引前導皇帝由黃道升阼階上面西褥位立贊請再拜閤門使臚傳在位官皆再拜乃引皇帝由殿上正門入殿於香案前褥位再拜上香又再拜退稍東於欄子內面西褥位立定儀

大五百二十一
小二十九

鑾司徹香案前拜褥設冊寶褥位於香案南舉冊昇冊官取冊匣子牀對捧由西階升中書侍郎分左右前導奉冊中書令讀冊中書令並後從候於褥位置定奉冊中書令於褥位南再拜退就殿階上西南柱外東面立讀冊官中書令稍前再拜昇冊官取匣蓋下寘於西階下冊牀舉冊官對舉冊讀冊官中書令一拜起跪搢笏讀讀畢就一拜起又再拜退立於奉冊中書令之次奉冊官進與中書侍郎率舉冊昇冊官奉冊匣由西階下引從如上儀復置於冊牀置定舉寶官以寶盃進至侍中讀畢由西階下復置於牀皆如冊匣之儀有司徹冊寶褥位復設香案南拜褥宣徽使太常卿導皇帝進就褥位再拜上香上茶上酒樂作三酌酒樂止太祝讀祝文訖皇帝再拜復歸阼階褥位

立定大禮使升殿於香案南宣徽使處授福酒臺盞行至皇帝
阼階褥位前宣徽使贊皇帝再拜飲福閣門臚傳賜胙再拜在
位官皆再拜大禮使跪以酒盞進授皇帝樂作飲訖又再拜大
禮使受酒盞復以授宣徽使訖由西階下歸押班位太祝奉祝
版翰林使酌酒太官令丞量取牲羞自西階下置於燎薪之上
文武班皆回班向燎所立禮官贊請皇帝就望燎位宣徽使取
酒盞臺於翰林使以進授皇帝皇帝酌酒於燎薪之上執事者
舉燎半燎瘞於坎宣徽使贊皇帝再拜閣門喝百官皆再拜太
常卿宣徽使前導皇帝歸小次卽御座簾降太常卿俯伏興跪
奏太常卿臣名言禮畢百官皆卷班西出大禮使以下奉冊寶
牀納於慶元宮收掌去處皇帝進膳於別殿侍食官取旨有司

大五百三十六
小五

轉仗由來路皇帝便服還內

部擬御服如來儀省改奏便服

教坊作樂前導次

日大禮使率百官稱賀太傅宗弼以下言伏觀詔書云云臣等
聞帝王之興法天興道惟天廣大孰可測度取其色則謂之蒼
天取其氣則謂之昊天惟道玄妙孰可擬議以其陰陽不測名
之曰神以其生生不窮名之曰易帝德王功巍巍蕩蕩其難名
亦猶是也然國家典禮有不可已古之人曰君子論謨其先祖
之美而明著之後世故顯揚先祖所以崇孝也惟聖人之德無
以加於孝是以繼緒之君夙宵惕厲念燕貽之聖謀揚丕天之
大律必有典則以表謚號稱情爲禮以時增加其來尚矣然歷
代之論互爲異同或以從簡爲師古或以增多爲盡美惟禮經
所載聖人格言有其舉之莫敢或廢況前代謚號旣例有增多

矯而從簡是爲廢禮又自漢唐以來宮室車服之制朝會燕饗之度好賜賞賚之數禮儀文物之飾有增於古者多矣何獨於宗廟謚號而必欲從簡哉尊號皇帝陛下紹隆祖服不忘聿修遵崇孝之至論采前王之令典乃詔百僚俾之詳議蓋欲推尊應天廣運之丕圖揚厲闕國開基之大業臣等奉詔踧踖懼無以仰稱聖孝敢以所聞稱述萬一恭維太祖武元皇帝聖德格天神功蓋古遵晦待時弔民伐罪定萬全之策慷慨以誓師乘百勝之威談笑而定亂所攻則下所取則獲激揚義烈撫懷降附運天下於掌上攬英雄於彀中收圖書立制度慎刑罰明爵賞知人善任使而賢能爲之用是以化敵境爲樂土回亂國爲平世其施設大略規模宏遠與湯武比隆過高光遠甚臣等謹

大五百三十
小十七

集官共議稽攷經史參以謚法竊以道合於天靈承眷命謂之應乾肇啟皇圖傳序正統謂之興運剛健文明光被四表謂之昭德拯世利民底寧區夏謂之定功深思遠慮貫通周達謂之睿精義妙物應變無方謂之神恭敬端肅威而不猛謂之莊踐修世德丕承先志謂之孝貴賢親親慈民愛物謂之仁照臨四方獨見先識謂之明充實光輝廣被弘覆謂之大行道化民博施濟眾謂之聖肅將天威克定禍亂謂之武體仁長善尊無二上謂之元舉此大綱庶幾髣髴摹寫敘述皆出強名將以對越在天之神贊成崇孝之美稽合廷議舉無異辭請增上尊謚曰太祖應乾興運昭德定功睿神莊孝仁明大聖武元皇帝謹錄奏聞伏候敕旨十九日奉上冊寶曰孝孫嗣皇帝臣名諱謹拜

手稽首言曰臣聞自昔繼體守文之君嗣服重熙累洽之運念稽圖之緜渺由祖考之艱勤則必茂揚耿光祇薦大號豈惟盡臣子奉先之學亦以答神祇申命之休故文王肇周室既以文爲謚而又謂之不顯考又謂之宣王武王克定殷邦既以武爲稱而又謂之光烈考又謂之正父載于大訓是曰王彝粵自遼人不綱上帝降割占烏止於誰屋逐鹿競於中原塗炭之危玉石無辨我太祖武元皇帝遵養時晦顧諟天明以德行仁勢靡憑於力假奉辭伐罪攻不自於我先方秉鉞以誓師洎臨津而飲馬神光赫然四燭輝甚朝暾天塹爲之伏流坦如平地故得讐民褫魄鄰壤歸心牧野前徒俄倒戈而自潰霍邑固守望舉鞭而已摧自是歲冒風霜躬擐甲胄其至有如時雨其攻無復

大五百三十六
小五

堅城未踰數載之間盡取五京之地北連六鎮南界九河西攝崆峒東漸溟渤若遠若近悉主悉臣至於圖任親賢倚如手足懷服歸附推以腹心有典有則以垂裕於子孫無黨無偏以示公於好惡惡衣服卑宮室夏禹之無間然也不邇聲色不殖貨利成湯之又日新也治監太清簡易爲政義昊之淳風也德崇克讓推授靡私唐虞之高躅也若乃仁恩充被於有截智慮豫圖於未形禮義所維威信所接卜世之久與天無窮臣嗣守丕圖恪繩遺矩念欲報之懷曷已而追崇之禮未加想如在之音容懍弗寧於朝夕率籲眾志參稽格言咸謂道合於天至謂之元云云與謚議同雖地溥天崇固不容於測度而涓流塵集冀少益於高深臣不勝大願謹奉玉冊玉寶恭上尊謚曰應乾興運昭德定功睿神

莊孝仁明大聖武元皇帝恭維神用無方天監在下察沖人之
永慕歆兆姓之樂推風馬雲車俯故宮而暫憩金文玉篆揚景
鑠於無窮

皇統五年增上祖宗尊諡

皇統五年閏十一月七日詔曰朕聞創業垂統祖先所以貽燕
謀遵制揚功後嗣所以恢鴻烈稽孔聖達孝之說見武王追尊
之文著在禮經遂爲永法我國家千齡應運累聖重光造攻始
於有遼基命集於皇祖比涓吉日祇薦隆名天日澂輝神民慶
悅載念丕圖之永邈率由奕葉之相承始於憂勤寢以光大在
眇躬持守之意敢專享於有成推武元尊親之心想不忘於敬
愛昭茲令聞屬在此時宜令尚書於都堂集文武執事官五品

大四百九十五
小十九

以上與禮官稽攷前代故事議增上祖宗尊諡議定擇日奏告
施行十五日太傅宗弼以下伏惟御札云云臣等承命忻懌敢
不奉行恭維尊號皇帝陛下聖孝因心夙夜惟念旣已躬上慶
元宮冊寶又推原太祖皇帝聖意增崇列聖尊諡以發明重光
之緒合於孔子所稱武王善繼人之志善述人之事爲孝之達
敬具前代故事有宋之制備經諸儒講議最爲詳悉其於廟諡
未有天下者追諡至四字有天下者增至十四字載在史冊足
爲明據恭以列聖創業垂統以艱難勤儉保國子民積累百年
迄成大業蓋與殷周之興無異其惇樸純質崇尚易簡則與羲
軒同風戡定禍亂伐罪弔民無敵於天下則與湯武比德至於
聖聖傳授誠實相符不以尊位爲己私雖唐虞不能過旣而天

命不貳人神與能大寶終歸於正統此又比之唐虞尤爲盡善是宜對揚王休勒之琬琰以垂鴻猷於億世臣等謹案謚法參以經典格言於已定謚號之上增加字數悉如故事始祖景元皇帝避地他邦聿來上國始以聖意斷訟邦人尊服至今爲法宜增上謚曰懿憲景元皇帝取浸以光大曰懿創制垂法曰憲之意德皇帝生而神異隱德不曜宜增上謚曰淵默玄德皇帝取沈潛用晦曰淵布德執事曰穆應真生神曰玄之意安皇帝龍潛修德恭默無爲以厚子孫之福宜增上謚曰和靖慶安皇帝取不剛不柔曰和寬樂恭仁曰靖積善有餘曰慶之意獻祖定昭皇帝始立室家漸成郡邑鳩民化俗悉本純儉宜增上謚曰純烈定昭皇帝取見素抱朴曰純安民有功曰烈之意昭祖

大五百三十六
小五

成襄皇帝率義爲勇耀武拓境好施不吝宜增上謚曰武惠成襄皇帝取闢土拓境曰武愛民好與曰惠之意景祖惠桓皇帝聖智英特肇基帝業土宇日廣宜增上謚曰英烈惠桓皇帝取出類拔萃曰英聖功廣大曰烈之意世祖聖肅皇帝獨運神策盡平叛亂威無不加德無不懷實始剪遼以興寶祚宜增上謚曰神武聖肅皇帝取聖而不可知曰神克定禍亂曰武之意肅宗穆憲皇帝思慮通達好謀能斷宜增上謚曰明睿穆憲皇帝取獨見先識曰明思能作聖曰睿之意穆宗孝平皇帝法令歸一恢大洪業盡服四十七部之眾宜增上謚曰章順孝平皇帝取法度大明曰章慈和偏服曰順之意康宗恭簡皇帝聿修厥德克勝鄰敵宜增上謚曰獻敏恭簡皇帝取聰明睿智曰獻應

事有功曰敏之意太宗文烈皇帝持志淵冲恭承太祖付託之命乃位宸極內治外攘一遵先志功隆德普躋民仁壽翼善傳聖歸於大公宜增上謚曰體元應運世德昭功哲惠仁聖文烈皇帝法天行道曰體元祿數在躬曰應運同文王之聿修曰世德同武王之繼文曰昭功知人曰哲安民爲惠爲天下得人謂之仁博施濟眾謂之聖徽宗景宣皇帝在太祖光有天下之時位居元嫡推遜大寶黃屋非心誕育聖明儲祐無極宜增上謚曰允恭克讓孝德元功佑聖景宣皇帝誠敬不懈曰允恭推位不居曰克讓奉事太祖先意承志曰孝德密贊謀謨道濟天下而人無能名曰元功誕生聖嗣傳序正統曰佑聖已上廟貌如故如當聖意乞降旨有司備禮差官奏告應合行事件候奏告

大五百三十六

禮畢檢舉施行敕旨恭依十七日奏準十二月八日九日行奏告禮十二月一日命□□宗本左丞相宗憲右丞相蕭仲恭充奏告獻官於慶元宮奏告始祖康宗明德宮奏告太宗慶元宮奏告徽宗其日未明於殿上排辦每位食牒十四實以茶食菹菜果牒十四實以果食以梁米粳飯又椀二實以太羹肉汁也盤二其一設以羊牲體二其一實以豬牲體二並一熟匙筋各一副茶盞各一承以托子酒盞各三共承以一盤酌酒器各一酌茶器各一花餅設於食案之前并果壘量案長短間設共設香案一上置香鑪香合在殿之中楹間酒二十銀瓶第二日酒五瓶第三日五瓶在神位之東酒注四在酒瓶之側祝版案在神位之西獻官拜褥其一設於香案之南餘皆設於神位之前少

府監擬坎於庭中之西南鉤盾署設燎薪於坎之中排辦官告
 備閣門引百官班入立庭中北向次引獻官升殿上香再拜應
 官拜立班官皆再拜次引獻官至神位前褥位一拜跪持茶酒者以次進
 至獻官之右持酌茶酒器者進至獻官之左獻官酌茶酒就一
 拜起少退立捧祝版官以祝版進至神位西南斜向讀祝官一
 拜跪讀祝畢就一拜起祝版復歸於案獻官再拜祝官退第一日
次詣諸位獻畢復歸庭中班執事者奉祝版及量取牲羞下置
 皆如上儀於燎薪上百官回班望燎持酒盞者以酒授獻官酌於燎薪之
 上獻官百官皆再拜半燎班出守燎者瘞之第一日酌酒十盞
第二日第三日各
一盞第一日羊五豬五第二日第三十七日增上祖宗尊諡肆赦
日各羊一豬一並於前一日宰殺
 制曰朕聞大一統以居尊必推功於祖考交三靈而儲佑當均

大五百零八
小六十五

慶於臣民國家救命惟時重光奠麗純德符於軒昊大功軼於
 禹湯肆朕纂承敢忘駿惠而廟謚所紀德美未詳凜夙夜之靡
 寧集臣鄰而博議謂祖有功而宗有德雖已祇率於舊章若敬
 所尊而愛所親尙克繼承於先志肆涓良日肇舉上儀神靈居
 歆中外胥悅宜廣配天之澤永昭凝命之休可大赦天下內外
 大小職官並與覃恩於戲嗣恭德於前人其無邊佚得歡心於
 四海庶格燕寧更賴三事宗工百司庶正益懋贊襄之意弼成
 繼述之功

大金集禮卷三

小五
大一百九十

番禺許之璇初校

宿松羅忠濟覆校

南海廖廷相再覆校

大金集禮卷四

追加諡號下

大定三年增上睿宗尊諡

大定十九年奉上孝成皇帝諡號

雜錄

天德二年興聖宮上諡儀與皇統五年同兼封遼王事節故併入雜錄

大定三年增上睿宗尊諡

大定元年十一月十五日以追尊皇考妣告於太祖廟十六日追冊皇考曰簡肅皇帝廟號睿宗皇妣蒲察氏欽慈皇后皇妣李氏貞懿皇后大定二年八月有司奏請祖宗尊諡或十六字或十四字或十二字即今睿宗皇帝更合增上尊諡於升祔前奉冊寶敕旨準奏增上十七日擬奏立德顯仁啟聖廣運文武

簡肅一十二字敕旨恭依八月二十四日差禮部尚書兼翰林承旨王競等四員造冊寶并沿冊寶法物盃匣等九月一日命王競撰冊文并書篆冊寶九月三日恭奉敕旨以歲末豐稔物貴人難未卽行禮三年八月一日奏定十月一日奉上冊寶七日升祔五日命戶部侍郎曹望之兵部郎中韓鐸提點編排儀仗二十五日命右平章宗憲攝太尉行禮左平章元宜左丞翟永固攝侍中奉寶讀寶右丞良弼參政蘇保衡攝中書令奉冊讀冊判宗正同判謀演攝門下侍郎引寶勸農使案打海御史大夫李石攝中書侍郎引冊宣徽使太常卿各一舉寶舉冊官各二以四品以上攝充并差監察二太常博士七翰林使二太官令丞一昇寶盃官十二昇冊匣官十八主節一典儀二禮直

大四百三十七
小三十二

官四盥洗巾篚官各一及差禮部尚書九月二十二日奏告太廟有司引唐會典大中三年追尊二祖謚號中書門下奏皇帝行事與差官展禮舊記不同禮許從宜不必法古詔可之宣政殿遣宰臣奉冊赴廟太常因革禮大中祥符元年加上祖宗謚號於天安殿命太尉奉冊赴廟宋會要大中祥符五年加上祖宗謚號宰臣奏躬上冊禮復行薦享慮成煩縟望詔有司奉行冊禮躬行朝享從之本朝皇統五年十月增上太祖皇帝謚號於慶元宮辰居殿親行奉上冊寶之禮有此不同恭奉敕旨依古禮遣使以宰相充皇統五年辰居殿行禮時爲車輅儀仗不在會寧府只用腰輿甲騎旗幟靴袍教坊樂今擬依因革禮用黃麾仗法服樂用登歌敕旨宜依奉冊寶或用玉輅金輅敕旨

用玉輅睿宗皇帝未經升祔合無於衍慶宮聖武殿睿宗本位設神御牀案或為太祖御容在崇聖閣借設正位敕旨借設正位前三款八月二十一日奏九月二十八日大安殿置大樂閱習奉上冊寶

儀前一日自衍慶宮奉迎冊寶於大安殿安置公服騎馬執鞭門下中書侍郎在前侍中中書令次之太尉又次之舉昇奉冊奉寶官製造官分左右夾侍以裏為上人從給錦帽衫帶至通天門下馬步從入自正門由西階升奉安於幄殿前二款並奏過親授冊寶

八月二十五日準奏行禮日未明三刻有司各勒所部整肅儀衛羣臣集於殿門行事官各法服陪位官公服皇帝自宮中常服乘輿侍衛如儀赴大安殿後更衣幄次御史臺催班通事舍人引太尉及羣神就位主節者皆持節立太尉後侍中跪奏中嚴又跪奏外

大五百十三
小二十七

辦皇帝服通天冠絳紗袍出太常卿跪奏稱太常卿臣某言請皇帝行奉上冊寶之禮奏訖俯伏興宣徽使分左右前導皇帝步詣冊寶幄次將至幄次登歌樂作至幄次前北向宣徽使贊請皇帝再拜典儀贊在位官再拜訖奏請皇帝摺圭設承奉人三上香訖執圭奏請皇帝再拜典儀贊在位官再拜訖各分班東西序立奏請皇帝詣稍東褥位樂止中書令中書侍郎奉引冊侍中門下侍郎奉引寶行登歌樂作宣徽使贊導皇帝隨冊寶降自西階登歌樂止宮縣樂作至大安殿下當中褥位中書令侍中奉冊寶於皇帝褥位之西樂止宣徽使奏請皇帝再拜典儀贊在位官再拜訖中書令摺笏奉冊匣宮縣樂作至皇帝褥位前俯伏跪其冊牀前昇至太尉受冊褥位之東奉置訖執笏俯伏興退稍西

立東向太常博士引太尉至褥位北向立宣徽使奏請皇帝稽
 圭跪捧冊授太尉太尉搢笏跪受訖執笏少東立宣徽使奏請
 執圭俯伏興舁冊官捧冊匣中書侍郎奉冊匣置於冊牀樂止
 侍中搢笏奉寶盃宮縣樂作至皇帝前褥位前俯伏跪其寶牀
先舁至
太尉授寶
褥位之東奉置訖執笏俯伏興退稍西立東向太常博士引太
 尉至褥位北向立宣徽使奏請皇帝稽圭跪捧寶盃授太尉太
 尉搢笏跪受訖執笏少東立宣徽使奏請執圭俯伏興舁寶官
 捧寶盃門下侍郎奉寶盃置於寶牀樂止宣徽使奏請皇帝再
 拜典儀贊在位官再拜皇帝南向立宮縣樂作太常博士引太
 尉奉冊寶出主節者持
節前導冊牀在前寶牀次之樂止中書門下侍
 郎各導於冊寶之前太尉居其後至大安門外太尉以次跪奉

大五百十六
小四十四

冊寶於玉輅中中書侍郎於輅中夾侍所司迎衛如式太尉奉
 冊寶訖步出通天門外革車用本品鹵簿導從如儀鼓吹不振
 作俟冊寶出大安門太常卿跪奏稱太常卿臣某言禮畢奏訖
 俯伏興前導皇帝升自東階登歌樂作還大安殿後幄次樂止
 侍中跪奏解嚴乘輿還內侍衛如來儀所司承旨放仗百官赴
 衍慶宮行禮次朝百官稱賀如常儀前一日設冊寶幄次於聖
 武殿門外西向其日質明太常寺官率所屬於聖武殿設神御
 牀案宣徽院排備茶酒果時饌茶食香花等並如太祖皇帝忌
 辰排備之數大樂署設登歌之樂於殿上前楹間稍南北向迎
 衛冊寶至衍慶宮門外中書門下侍郎各奉冊寶降輅各置於
 牀太尉至門外降車率中書令以下導從赴聖武殿門外幄次

奉安如式其儀仗兵士並退次引文武百官各服其服以次就位大樂令率工人就位禮直官亦先就位應執事者並先入殿庭北向立禮直官贊再拜訖升殿次引太尉就東階下褥位西向立禮直官贊拜在位官皆再拜禮直官曰有司謹具請行事禮直官再拜在位官俱再拜訖引太尉詣盥洗盥手盥洗在殿西階下升殿詣神座前搢笏跪三上香樂作奠茶奠酒訖執笏俯伏興樂止太尉再拜訖還位少立次引太尉出率中書門下侍郎等奉冊寶牀入自殿門中書令侍中等並導從登歌樂作冊寶牀至殿庭列於西階之下樂止冊寶牀承以席褥太尉以下各就面北褥位立定禮直官贊拜在位官俱再拜訖太尉率中書令侍郎奉冊匣升殿登歌樂作至殿上冊匣置於食案之前仍設

大五百三十二
小十二

褥位樂止次引太尉詣神位前俯伏跪稱攝太尉臣某言謹上加尊謚冊寶奏訖俯伏興稍西立次引中書令立於冊匣南舉冊官舉冊中書令俯伏跪讀冊訖俯伏興中書令奉冊匣降自西階置於牀登歌樂作置訖樂止次引侍中門下侍郎奉寶盃升殿樂作置於食案之前仍設褥位樂止舉寶官舉寶盃侍中俯伏跪讀寶訖俯伏興侍中奉寶盃降自西階置於牀登歌樂作置訖樂止太尉詣殿門外褥位再拜訖太尉而下俱降階以次就位禮直官贊拜在位官皆再拜以次出寺官署官率拱衛直昇冊寶牀置於冊寶殿各退左平章元宜等奏伏奉敕旨睿宗皇帝尚多遺美令尚書省集百官五品以上與禮官恭議增上謚號者臣等聞道者以開通濟物爲用而本於無爲然道曰

希夷以表域中之大天者以徧覆包含爲功而歸於不宰然天
名蒼昊以彰羣物之祖且帝王之興也體道之開通不露其所
以開通之妙法天之徧覆不顯其所以徧覆之神巍巍蕩蕩固
難於擬議推崇矣然自古伏羲神農舜禹湯武皆當世尊其功
德而稱之載在典籍固不誣矣由是後代繼體之君能以孝治
天下者爰念祖考規模宏遠則必有謚冊以光耀萬世其來尙
矣若增而廣之亦非溢美誠孝心欲報之罔極也可不移乎聖
明仁孝皇帝陛下永言來孝祇紹貽謀思所以鋪張對天之闕
休揚厲無前之偉績者雖上尊謚未爲光大乃詔百僚使之詳
議臣等奉旨踧踖懼無以仰副聖意敢以所聞稱頌萬一恭維
睿宗皇帝聰明仁信恭肅端莊有聖德以昭先功有孫謀而燕

大五百三十六
小五

翼子神威不測廟略無方而自恭行天罰於鑠王師則能討叛
柔服荅四方後蘇之望投戈講藝息馬論道則能興學校而重
賢才修禮樂而立制度爲萬世太平之基其王功帝德施設大
略如此臣等謹集百官共議稽諸典禮參以謚法竊以睿哲欽
明光宅天下謂之立德溫慈和惠茂育羣生謂之顯仁長發其
祥作邦作對謂之啟聖燕及皇天庥敷有歸謂之廣運修治班
制經緯天地謂之文安民和眾克定禍亂謂之武一德不懈謂
之簡執心決斷謂之肅舉此大綱之髣髴擬諸至德之形容雖
皆出於強名庶永光於具美伏請增上尊謚曰睿宗立德顯仁
啟聖廣運文武簡肅皇帝

直學士劉仲淵撰

十月一日奉上尊謚冊寶

行禮冊曰臣聞自昔垂訓後世作範故父有天下傳之於子子

有天下尊歸於父是以周武克商始制追王之典炎劉興漢方
崇太上之名百王相因事貴稽古惟我聖考佐佑祖宗取亂攻
昧闢土開基天戈所麾畏威而効順仁澤所被懷德而歸心鄰
國興後后之謠簞食致迎師之奉遠邇百姓寧居安業避焚溺
於水火足衣食於耕桑皞皞熙熙蓋數十年於茲矣臣猥以眇
躬起膺推戴仰念祖宗之不緒俯察黎庶之誠心君臨萬方凜
若御朽敬慎伊始罔敢怠違載惟與天同功流慶有自衍宗社
無疆之福發本支百世之祥實我聖考允文允武克寬克仁上
合天心下從民欲天祿淵源之積匪一日也爰訪邇臣博采羣
議咸謂云云論議同舉此大綱形容具美僉言旣允祇薦鴻名顯揚
之微心潛天貺臣不勝大願涓擇吉日遣攝太尉特進平章政

大五百三十四
小九

事兼太子太師定國公臣完顏宗憲奉玉冊玉寶奉尊諡曰立
德顯仁啟聖廣運文武簡肅皇帝廟號睿宗恭惟謨烈有光音
容如在俯鑒守成之志尙貽垂裕之休典策一新昭示萬世

大定十九年奉上孝成皇帝諡號

大定元年十一月十六日詔曰朕惟禮莫大於明分政必先於
正名宜推是是之心用定尊尊之號爰申顯命誕告敷天前君
乃太祖之長孫受太宗之遺命嗣膺神器十有五年垂拱仰成
委任勳威廢齊國以省徭賦柔宋人而息兵戎世格泰和俗躋
仁壽混車書於南北一尉候於東西晚雖淫刑幾於恣意冤施
弟后戮及良工虐不及民事猶可諫過之至此古或有焉右丞
相岐國王亮不務弼諧反行篡弒妄加黜廢抑損微稱遠近傷

嗟神人憤怒天方悔禍朕乃繼興受天下之樂推居域中之有大將撥亂而反正務在革非期事亡以如存聿思盡禮宜上謚號曰閔宗武靈皇帝既復崇於位號庶少慰於神靈非眇躬之私言乃天下之公議鴻名已正允孚中外之心大分斯明遂絕覬覦之望庶幾率土永底丕平咨爾多方體予至意二年四月一日奏準立別廟九月二十三日奏定不入廟不合稱宗十八年三月十七日恭奉敕旨武靈皇帝升祔太廟五月七日奏依唐中宗祔廟典故改易美謚九月十三日擬奏唐二十帝謚號或四字五字或七字九字惟宣宗十八字字數各不同伏以本朝祖宗尊謚或十八字或十四字或十二字或四字今擬增上閔宗尊謚共八字曰弘基纘武莊靖孝成皇帝取收齊輿圖四

大五百二十六
小五

海會同是弘基也懷柔臣服五兵不用是纘武也謚法端恪臨民曰莊恭而鮮言曰靖叶時肇享曰孝安民立政曰成之意仍加謚悼皇后曰悼平皇后取執事有制曰平之意敕旨恭依十二月奏準來年四月十日奉上冊寶二十日帝享升祔十八年九月十六日差吏部郎中楊鑄等五員監造冊寶并沿冊寶法物盞匣等與天德貞元尊號冊寶制度同十一月十九日命禮部尚書張景仁撰謚冊文直學士王彥潛書冊篆寶十九年三月十九日差兵部侍郎胡薛同知大興尹王佐提點編排儀仗四月二日差吏部尚書天錫于六日奏告太廟戶部尚書張仲愈告本廟七日命皇子樞密使趙王攝太尉左相守道右相石琚攝侍中奉寶讀寶平章習顯平章安禮攝中書令奉冊讀冊左右丞攝門下侍

郎引寶參政樞副攝中書侍郎引冊太常卿宣徽使各一舉冊
舉寶官各二以四品已上攝充并差太常博士七典儀贊者各
一主節一昇寶盃八昇冊匣十八承奉人等十八年十二月一日
奏引唐會要載宣宗大中三年追尊順宗憲宗諡號至日御宣
政殿降階授玉冊於太尉持節奉冊赴太廟又案五代周太祖
廣順元年御崇元殿奉冊四廟服袞冕降階授冊大定三年追
尊睿宗皇帝禮儀大安殿前立黃麾仗一千人應天門外行仗
二千人皇帝服通天冠絳紗袍隨冊寶降自西階摺圭跪捧冊
寶授太尉今擬大安殿行禮及依唐周典故降階捧冊寶授太
尉所有冠冕儀仗擬依已行禮例敕旨儀仗人數約量裁減前
三日習儀於大安殿庭前一日百官各於其第清齋有司於大

大五百三十
小十七

安殿中間設御座南向並設東西房於左右又於殿後設更衣
幄次又於西副階上設藉冊寶褥位大定三年儀於殿
中間設冊寶幄次其日有
司設迎衛冊寶黃麾仗用一
千人及載冊寶玉輅并設太尉鹵簿儀
仗內
人數於應天門外立仗用六
百人又於庭中設太尉褥位於百官班
前近東稍北設授冊寶褥位於南向設太尉受冊寶褥位於皇
帝褥位之南北向設藉冊寶褥位五其二在授冊寶褥位之西
其一在前其二在太尉受冊寶褥位之東大樂署陳登歌之樂
於殿上設宮縣庭中迎冊寶儀內人從二品已上四人三品已
下二人餘與大定三年同奉上冊寶儀四
月五日宣徽院奏過據合用玉輅只用象
輅親授儀與大定三年不同故復備錄其日未明三刻諸衛
各勒所部列仗如儀百官集於殿門行事官并陪位官并法服
皇帝自宮中常服乘輿赴大安殿後更衣幄次通事舍人引太

尉及百官立班定主節者持節立太尉後宣徽使跪奏中嚴又跪奏外辦皇帝服通天冠絳紗袍以出曲直華蓋侍衛警蹕如常儀太常卿跪奏稱太常卿臣某言請皇帝行奉上冊寶之禮奏訖俯伏興凡跪奏準此與宣徽使分左右前導皇帝出自東房登歌樂作即御座南向樂止典儀贊應在位官皆再拜班首出班起居訖再拜各分班東西序立中書令中書侍郎奉引冊侍中門下侍郎奉引寶前行登歌樂作宣徽使奏請皇帝降座隨冊寶降自西階登歌樂止宮縣樂作至殿下當中褥位立中書令侍中奉冊寶於皇帝褥位之西樂止中書令摺笏奉冊匣宮縣樂作其冊牀先昇至太尉受冊褥位之東至皇帝褥位前俯伏跪奉置訖執笏俯伏興退稍西立東向太常博士引太尉至褥位北向立宣徽使

大四百八十一百一十六

奏請皇帝摺圭設承奉人捧冊授太尉摺笏跪受訖執笏少東立宣徽使奏請執圭昇冊官捧冊匣中書侍郎奉冊匣置於牀樂止侍中摺笏奉寶盞宮縣樂作其寶牀先昇至太尉受寶褥位之東至皇帝褥位前俯伏跪奉置訖執笏俯伏興退稍西立東向太常博士又引太尉至褥位北向立宣徽使奏請皇帝摺圭捧寶盞授太尉太尉摺笏跪受訖執笏少東立宣徽使奏請執圭昇寶官捧寶盞門下侍郎奉寶盞於牀樂止皇帝奉冊寶訖南向立宮縣樂作太常博士引太尉奉冊出主節者持節前導冊牀在前寶牀次之出門樂止中書門下侍郎各導於前太尉居其後至殿門外太尉以次跪奉冊寶升於輅中中書侍郎輅中夾侍所司迎衛如式太尉步出應天門外革車本品鹵簿導從如儀鼓吹不作太

常卿跪奏稱太常卿臣某言禮畢導皇帝升自東階登歌樂作
皇帝入自西房還幄次樂止宣徽使奏解嚴乘輿還內侍衛如
來儀百官赴廟行禮前一日有司設冊寶幄次於廟門外稍西
東向大定三年儀聖武殿門外西向香案之前大定三年儀作食案之前餘同十八年十一
月十九日尚書省奏近奉聖旨云云臣等伏以唐虞而下方策
所書其善政流風茂德大業靡不揄揚於可久豈或湮滅而失
傳庶幾見萬世無疆之休固亦取百代常行之法恭維尊號皇
帝陛下立愛自親所以風四海揚功遵制所以定羣心因正名
順事之宜協大公至正之誼臣等竊以武靈皇帝作其卽位幾
十五年時和歲豐遠安邇肅先時以河南之地畀諸齊人使之
牧養而不能仰體朝廷分命之意乃煩政重賦民不克堪肆命

大五百十六
小四十五

黜廢市不易塵兵不血刃而又餘宋假息江淮王師薄伐無闕
歲以其籲哀請命乃加封冊歲時朝貢懋明臣禮以致獻歌儒
館偃伯靈臺至於軍國大政親賢並用垂拱仰成威儀可仰尊
嚴若神俶立七廟尊事祖宗應侯順德致治之隆班班可紀臣
等謹集百官其議稽諸典禮參以謚法夫受祖宗付託之重伊
濯厥公如日之升如月之恆不曰弘基乎緇齊臣宋兵不復用
四海混同不曰纘武乎臨民端恪莊也恭而鮮言靖也協時肇
禮孝也政立民安成也慈因節惠用極推尊伏請增上尊謚曰
弘基纘武莊靖孝成皇帝敕旨恭依吏部侍郎鄭子冊撰十九年四月十
日奉上冊寶行禮冊曰惟年月日嗣皇帝臣御名仰惟太祖武元
皇帝命於帝庭神武撥亂用肇造我區夏願命之際聖子咸在

舍弗以立舉天下大器授之太宗文烈皇帝暨天會末命亦弗
敢弭忘曰茲先皇令德光昭則能賢乃簡昇世嫡神孫丕承基
緒十有五年德厚功著厥初封建齊人大河之南俾顯綏靖乃
罔念付託以率割爲政彼民大弗克堪且勤我戍守無有寧歲
尙安用而國肆命廢黜於是西踰熙洮東極海泗南則唐鄧咸
歸我輿圖事不貳適休烈增光於先朝茲不日弘基乎廢宋之
餘假息江表我伐再張莫不震疊至籲哀請命稱臣底屬乃班
師振旅柔服以示懷錫之封冊歲底厥貢七德具備茲不日纘
武乎垂拱仰成于懿親宗公穆穆皇皇尊嚴若神莊矣黜華尙
質立默不言如天之行四時靖矣若稽古假有廟尊祖敬宗寅
念祀事孝矣綏萬邦屢豐年惟民其康乂成矣豈圖遘閔永懷

大五百三十一
小一十五

盡傷以迄於今惟冲人繩其祖武蒸蒸業業思所以駿惠顧立
愛立敬有尊有先莫重於宗廟之享竊惟公則生明名正則言
順自非推本武元文烈以大義至公相傳授之意用鋪張揚厲
天眷皇統之闋休偉績則何以對越二聖在天之靈雪神孫無
窮之遺憾哉不勝大願謹遣攝太尉臣某奉冊上尊謚曰弘基
纘武莊靖孝成皇帝廟號閔宗伏惟神靈格思膺是典冊頓首
頓首謹言上冊寶升附禮畢四月□日制曰立愛立敬必自於
家邦有尊有先莫嚴於宗廟仰惟武元之克讓珍圖傳授於太
宗迨及文烈之能賢神器復歸於皇統混一彼四海惟十有五
年旣示德以威懷乃仰成而垂拱行不言之教以御下永惟則
之思而奉先政允若茲世克用乂竟晚年無及民之過失在大

臣當戮力以扶持而海陵王包藏禍心自行攘取廢黜徽號輒
加惡名茲遘閔於不虞實無窮之遺憾朕丕承聖緒敢忘推本
於祖宗上念神孫正可序升爲昭穆遷自別寢躋於太宮顯謚
鴻名稽禮文而節惠至公大義式下土以咸孚今已奉上尊謚
曰弘基纘武莊靖孝成皇帝廟號閔宗升祔禘享禮畢於戲名
言之行可以興禮樂孝弟之至可以通神明洪惟茲事之成實
曰無疆之美咨爾率土體予至懷

大定二十六年奉敕旨閔宗廟號仰商量定了奏知太常寺檢
討到三代制禮祖宗不遷之廟蓋謂有功有德者東漢稍變古
禮至後魏及唐以來竝以此爲廟號未有踐祚而不祖宗先王
者近代循用此禮其意本以推美爲先故並用謚法中美字如

大五百二十八
小五

後魏太祖世祖顯祖肅宗敬宗唐中宗憲宗敬宗昭宗梁太祖
後唐莊宗皆不善終其廟號亦用美謚別無用哀閔等字者謹
案謚法在官遭難曰閔使民悲傷曰閔雖非所指所行過惡然
終非謚號之美者伏以閔宗皇帝在位十五年任賢仰成法度
修舉黜齊服宋民物安和晚年雖稍有過差害不及民斷自宸
衷遷祔太廟重加以美謚而廟號仍舊未改今旣恭奉敕旨商
量議竊以宗者尊也謂有德可尊旣稱爲宗而閔字似未相應
擬別定廟號以仰副聖明之善意兼自古無加謚改題之禮至
唐高宗以後屢追加祖宗之謚然亦不改冊文但有改題神主
之例近世改謚加謚並改造冊寶俟奏告畢納于廟或因改葬
則置於陵亦有不改題神主但告廟者參詳謚冊謚寶古禮當

奉置於陵唐之加謚祖宗以山陵既固所以不改冊文止告廟改題神主近世加謚加謚皆改造冊寶亦以不可啟陵遂置冊寶殿今來擬改廟號若依唐典故止告廟改題不行改造冊寶緣更改廟號與唐之加謚不同兼即今閔宗冊寶見在冊寶殿若更改別無窒礙兼以閔字未宜別行改定亦難卻不改神主將來如蒙奏定合行更改即當別刻玉寶更換冊內閔字及就舊改題差官奏告太廟并告閔宗本室遷奉神主入幄次改題訖奉置於室禮畢以改造冊寶奉置冊寶殿今擬下項字

襄 關土有德曰襄執心克剛曰襄

威 蠻夷率服曰威猛以強果曰威

敬 齊莊中正曰敬眾方克就曰敬

大五百〇三
小五

定 安民法古曰定

桓 辟土服遠曰桓

烈 安民有功曰烈

熙 允釐庶績曰熙

二十七年二月七日開具熙襄敬三字奏奉敕旨恭用熙字三月八日太常寺檢討到通典唐代宗祔廟儀題神主官就褥題云代宗睿文孝武皇帝神主又檢討得近代題神主儀亦同又唐書德宗紀載顏真卿奏列聖謚號字繁請以初謚為定兵部侍郎袁倬妄奏議云陵廟玉冊已刻不可更改而不知玉冊皆刻初謚而已蓋當年雖屢加謚號不曾更造玉冊前來為是太廟神主合題寫號謚此上擬定若奏改訖閔宗即合於神主改

題并別刻玉寶換玉簡一枚及有奏告等禮數合再契勘得閔宗神主當元止是題訖尊謚不曾題寫閔宗二字寶文內亦無二字看詳若爲依上項典故合題廟號便擬改添新字緣神主奉安後依典禮不當輕有改作兼照勘天德二年奉安題神主文卷亦止云某皇帝神主見得并不曾題寫祖宗字亦合一體不須改題兼寶文無閔宗字更不須改造外冊簡一枚雖有閔字緣照得唐禮增加宗謚亦不改造玉冊兼今來既不改造寶其冊簡一枚亦無須合易換之禮擬止差官奏告太廟并本室仍以新改廟號遍下隨處通知四月一日奏稟元奉上閔宗尊謚玉冊上雖有閔字緣照得唐禮增加祖宗尊謚不曾改造玉冊擬止差官奏告太廟閔宗本室仍以新改廟號遍下隨處

大四百八十八
小五

照會施行從之宣付工部郭邦傑四月十一日奏告

雜錄

大定二十年三月有司奏請景宣皇帝於閔宗時追謚至隆二年四月海陵庶人批割贈太師追封遼王大定二年十二月敕旨以舊謚景宣皇帝爲號今來閔宗雖已升祔太廟擬依舊謚景宣皇帝爲號從之天德元年十二月詔尙書省集百官議上父謚百官請謚曰憲古宏道文昭武烈章孝睿明廟號德宗二年正月興聖宮行禮以太師勛充奉冊寶大禮使其奉寶讀寶侍中引寶門下侍郎奉冊讀冊中書令引冊中書侍郎以宰執攝舉寶舉冊官以吏禮兵刑部尙書充仍差官告廟如皇統五年親奉冊寶之儀大定二年四月九日有司擬用原謚最下一

字稱明皇帝奉敕旨改爲明肅皇帝十九年四月閔宗既升祔二十一年正月詔貶海陵庶人二十二年四月皇太子書以謂海陵庶人昔相閔宗無匡救之益乃伺其間隙肆行大逆盜據神器十有二年罪惡貫盈天所剿絕其父明肅豈可使之猶竊帝尊之名仰惟祖宗之神靈在天而其子海陵親弑太祖之世嫡閔宗且屠滅太宗之孫靡有孑遺若明肅之有知未必以其僞號爲榮海陵既正大逆之罪義當緣坐況於封爵今猶存其帝號者不過以明肅勳親之故且其已死不與於海陵之亂故特忍而存之莫若重宗廟尊朝廷以正上下名分削去明肅帝號止從舊封庶乎宗廟朝廷之禮一舉而兩得敕旨付尙書省尋與禮官集議十一日擬奏海陵既廢爲庶人其父母尙存

大五百十四

小五

帝后之號委是名分僭差今擬改封皇伯太師遼王據衍慶宮舊容擬改畫服色遷出順陵改名爲墓從之十五日詔天下大定二年四月有司以岐國爵號不是追封名稱擬降封海陵郡王謚曰煬逆天虐民曰煬并具隋煬帝齊鬱林王東昏侯宋蒼梧王魏邵陵縣公高貴鄉公故事奏聞從之二十年十二月九日擬奏閔宗已升祔緣海陵庶人係弑逆之人大定二年降封蓋當時有司止是比附前代帝王失道被廢降封故事初不曾正弑逆之罪又葬所與閔宗同一兆域并海陵庶人所生母尙有慈獻皇后名稱俱爲未當檢討到晉惠帝爲司馬倫所廢倫遂篡位尋爲齊王冏等所討惠帝反正誅倫仍廢爲庶人宋文帝爲子劭所弑孝武討劭劭伏誅暴屍於市又宋武帝張夫人生少帝

卽位尊爲皇太后少帝失道廢爲營陽王後拜爲營陽國太妃
倫以嘗篡位廢爲庶人海陵庶人弒逆尤不當有王爵之封劾
以弒逆暴屍於市其海陵庶人不當與閔宗同一兆域亦不當
在諸王塋域之內外宋少帝初非篡弒以失道被廢其母太后
之稱猶加追奪況海陵庶人所生母慈獻皇后之稱合行追
改敕旨仰再檢討其葬所改遷於山陵兆域之外復奏定以海
陵庶人爲名二十一年正月九日詔諭天下大定四年二月六
日批降禮官引宋事實眞宗謚號有文明武定字詔改武定軍
額并文明殿學士爲紫宸殿學士今來官民名稱及州軍縣鎮
官司名額犯睿宗皇帝尊謚內連用兩字者並迴避并八月五
日批降始祖以下帝后尊謚內相連兩字亦合迴避九年八月

大五百三十六
小五

批降武元正連姓及下一字犯太祖尊謚二字亦迴避

番禺許之璇初校

宿松羅忠濟覆校

南海廖廷相再覆校

大金集禮卷四

大金集禮卷四

廣雅書局

六十二
小五

大金集禮卷五

皇太后皇后

天會十三年尊奉兩宮太皇太后

天德二年尊奉永壽永寧宮

皇統元年冊皇后

天德二年冊徒單氏

雜錄

天會十三年尊奉兩宮太皇太后

天會十三年九月八日敕内外文武百僚等朕席祖宗一聖之
休德託於士民君王之上涉道日淺罔知攸濟方賴母儀自家
之化成孚王道而兩宮之號未極其崇朕用惕然夫推親親以

顯尊尊古之制也雖日殫四海之養而名稱未正尊尊如何宜率舊章用資孝治太祖皇帝皇后紇石烈氏太宗皇帝皇后唐括氏皆位冠六宮屬尊一體在均厥禮奉正鴻名並尊曰太皇太后第當別之以宮如長信宮故事俟諒陰期畢有司擇日奉冊具禮施行布告中外咸使聞知

天德二年尊奉永壽永寧宮

天德二年正月詔有司擇日奉冊唐殷國妃岐國太妃仍別建宮名合行典禮禮官檢詳條具以聞差禮部外郎王競等三員監看成造冊寶印并法物禮部郎中胡礪等三員監看成造匣蓋牀殿牌額等命直學士劉長言撰冊文禮部員外郎王競書篆冊寶命太師勛太尉裴滿等充奉冊太尉太保宗本右丞同

大三百八十四
小五

古辯充奉寶司徒外讀冊中書令引冊中書侍郎讀寶侍中引寶門下侍郎各二員舉冊舉寶官各四員以三品已上攝充并差昇冊匣官各十八員昇寶蓋官各十二員主當內侍二員及宣徽使通事舍人太常博士等正月二十五日行禮十七日擬稟合行禮儀準外禕衣大樂不用冊寶法物二副階玉冊每副五十餘一十條標充首四片上面畫捧冊神農四十條充寫冊文鐫字貼金寶檢蚪座並用金寶用盤螭紐紐下銀水地四面銀雲鳳伴寶玉環用朱組大綾綬一條半幅長八尺梅紅綾明金盤雲鳳案自冊寶法物二副至此文多脫誤冊寶匣蓋牀行馬等普用朱漆銀鳳帕褥法物等並依已行制度皇太后於典禮合服禕衣若服禕衣皇帝合服通天冠絳紗袍樂用大樂百官衣服亦合

依古竊恐難造擬止服拜天之服皇帝服靴袍樂用教坊百官
 公裳其日質明有司各具繖扇侍衛如儀及兵部約量差軍兵
 并文武百官詣兩宮迎請引導前導官繖從人衫帽皇太后入內並赴受
 冊殿入御幄侍衛如式次奉冊太尉等俱以冊置於案引冊官押舉冊
官並先入立於殿西階下奉寶司徒等俱以寶置於案引寶官押寶舉寶官
下皆盛以匣覆以帕詣別殿門外幄次教坊提點率教坊入侍
 衛官各就列皇帝常服乘輿至別殿後幄次通事舍人引宣徽
 使版奏申嚴復位少頃又奏外辦幄簾卷教坊樂作扇合兩宮
 皇太后出自後幄并即御座南向扇開樂止分左右通事舍人
 引文武百寮班左入依品重行西向立定通事舍人喝起居班
 依常朝例起居七拜訖引文武百寮班分東西相向立通事舍

大五百零四
小六十六

人太常博士贊引太常卿前導押冊官押冊而行奉冊太尉讀
 冊中書令舉冊官等以次從之凡太尉司徒行並通事舍人太常博士贊引次押寶
 官押寶而行奉寶司徒讀寶侍中舉寶官等以次從之俱自正
 門入教坊樂作至殿庭西階下少東北向於褥位少置樂止冊北
寶南其冊函蓋先去置於冊牀上通事舍人太常博士贊引太常卿前導押冊
 官押冊升樂作奉冊太尉等從之進至兩宮皇太后座前褥位
 樂止兩宮冊寶齊上齊讀舉冊官夾侍奉冊太尉各搢笏北向跪俯伏興
 退立讀冊中書令俱進向冊前跪奏稱攝中書令具官臣某謹
 讀冊舉冊官單跪對舉押冊官並先退復西階下東向立中書令各搢笏讀訖
 執笏俯伏興搢笏捧冊興於位東迴冊函北向並進跪置於御
 座前褥位訖中書令舉冊官俱降還位奉冊太尉並降階東向

以俟押寶官押寶升樂作

其寶函蓋先去置於階上寶牀上

奉寶司徒等從之

進至兩宮皇太后座前褥位樂止奉寶官夾侍奉寶司徒各摺

笏北向跪俯伏興退立讀寶侍中俱進當寶前跪奏稱攝侍中

具官臣某謹讀寶舉寶官單跪對舉

押寶官並先退復西階下東向立

侍中各

摺笏讀訖執笏俯伏興摺笏捧寶興於位東迴寶函北向並進

跪置於御座前褥位冊之南通事舍人太常博士贊引太尉司

徒以次應行事官俱降自西階復本班敘立宣徽使一員詣皇

帝御幄前俯伏跪奏具官臣某謹請皇帝詣兩宮皇太后前行

稱賀之禮

本部擬俟皇太后並升座即奏請皇帝於殿上稍南西向侍立至讀冊寶訖奏請行稱賀之禮殿上奏請

不俯伏興

凡奏請準此

贊引皇帝再拜訖又奏請北向跪賀曰嗣皇

帝臣某言云云俯伏興又再拜訖又奏請皇帝少立內侍承旨

大四百七十
小一百三十

退西向稱兩宮皇太后旨云云皇帝再拜宣徽使前引皇帝歸

幄乘輿還內侍衛如來儀應階下文武百寮重行立定通事舍

人喝拜在位皆再拜通事舍人引太師詣西階升俯伏跪奏稱

文武百寮具官臣某等稽首言皇太后殿下顯對冊儀永安帝

養仰祈福壽與天同休賀訖俯伏興降自西階復位立定通事

舍人喝拜在位官皆再拜舞蹈三稱萬歲又再拜訖宣徽使升

自東階取旨退臨階西向稱兩宮皇太后旨通事舍人喝拜在

位官皆再拜訖宣曰公等忠敬盡心推崇協力膺茲令典感愧

良深宣訖還位通事舍人喝謝宣諭拜在位官皆再拜舞蹈三

稱萬歲又再拜訖通事舍人分引應北向官各分班東西立定

宣徽使升自東階奏稱具官臣等言禮畢降還位扇合皇太后

並興教坊樂作降座還殿後幄次扇開樂止通事舍人引宣徽使奏解嚴中書侍郎等各帥捧冊牀官升殿跪捧寶並置於牀次門下侍郎等各帥捧寶牀官升殿跪捧寶並置於牀訖通事舍人引詣東上閣門投進所司文武百寮以次出皇太后常服乘輿各還本宮引導如來儀文武百寮詣東上閣門拜表賀皇帝訖部元呈有謁廟不見施行禮畢各赴本宮受內外命婦稱賀所司預於殿內設皇太后御座司賓引內外命婦於殿庭北向依序立定尚儀奏請皇太后常服卽座司贊曰再拜命婦皆再拜訖司賓引班首詣西階升跪賀稱妾某氏等言伏惟皇太后殿下天資聖善昭受鴻名凡在照臨不勝欣抃言訖起降階復位司贊曰再拜內外命婦皆再拜尚宮承旨降自西階於命婦之北東面

大五百三十
小十五

稱皇太后旨司贊曰再拜在位者皆再拜訖宣荅曰膺茲典儀感愧良深司贊曰再拜在位者皆再拜訖退赴列殿賀皇帝亦如賀太后之儀惟不致詞不宣荅司賓司贊尚儀尚功等擬用知禮內侍人等充如無用閣門

皇統元年冊皇后

天眷元年十二月二十五日命貴妃裴滿氏爲皇后制曰易基乾坤以大陰陽之統詩始夫婦乃先后妃之風故三代之令王謹六宮之內職況承宗廟儼辰極以居尊用正人倫揭母儀於無外事所繫者甚重道相須而後成非朕敢私自天作配猗歟誰氏迺茂徽音若稽舊章誕布寵命貴妃裴滿氏慶鍾感里教肆公宮夢月方娠生而固異倪天之妹卜則允臧爰用聘於先

朝乃來嬪於初載禮肅舅姑之奉訓無師傅之違道著家人名
膺邦媛逮予宅統率履在中承祀孔寅睦親克孝蹈貞賢之警
戒知臣下之勤勞纘女惟行輔服不逮居軒后四星之列貴則
益恭在周官六服之儀缺然未講宜蠲吉旦正位長秋於戲爲
望甚尊有同乎天地流風自近以至於家邦言雖戒於閭閻令
莫捷於身正恩宜逮下志務求賢非儉德不能懲奢泰之風去
私謁可以贊正直之道慎終如始允孚于休皇統元年正月二
十一日習發冊及功成殿儀二十二日行冊禮攝行事官就用
初十日上尊號員數并行禮內外命婦奏定三品以上次室封
號二十八日皇后謁祖廟冊文皇帝若曰夫地承天而效法所
以合德無疆月遡日而生明故能容光必照是以有國有家者

大四百八十五
小二十八

必選立嘉配以上承宗廟而降德於臣民古今一也我國家累
聖重光開基垂統用端命於上帝亦惟內德相繼匹休姜任燕
謀所依敢忘紹述咨爾裴滿氏柔惠端淑得於天成發慶鍾祥
世有顯聞自越初載來嬪潛邸笄珈組率履無違逮朕纂服
章明婦順表率勤劬陰教修明雖已崇建位號而典冊未舉朕
意歉然今遣太尉裴滿胡達攝司徒昂持節授爾冊寶副禕重
翟宏賁用光備物充庭一遵古禮朕惟王業所基率由內治和
睦自中化馳如神爾克勤人用弗敢弃曰爾克儉人用弗敢崇
侈爾克正人用弗敢迂乃心倚乃身勉思其終惟慎乃濟天其
申命於我家爾亦永膺多福豈不躋歟攝行事官各與恩賜總
領冊禮太師宗幹金一百五十兩銀絹三百兩疋段子五十冊

使太尉胡達金一百兩銀絹二百兩疋段子二十以次中書令
司徒侍中至於贊者主節大樂令協律令各有差

天德二年冊徒單氏

天德二年九月二十一日詔冊惠妃徒單氏令有司擇日備禮

施行詔書下禮部至冊禮差待制王競等三員監看鑄篆冊寶

并法物兵部郎中劉仲延等三員監看成造匣盃牀等命侍讀

劉長言撰冊文王競書冊篆寶命禮部尚書宗安十月七日告

天地特進按打海告宗廟各差引贊行禮太常博士通事舍人

并讀祝官一員五禮精義云冊命大事先告天地宗廟冊使太

尉以正員充副使司徒以左相思忠攝侍中三一奏中嚴外辦

讀寶進奉冊讀冊中書令一引寶兼進門下侍郎三一承旨一奉寶

大四百八十八
小五十七

郎一引冊兼宣徽使禮儀使吏部禮部侍郎各一舉冊中書舍

人舉寶給事中各二捧冊捧寶官各四並宰執以次攝充差引

贊行禮九員冊使副使讀冊讀寶引昇寶盃官十二昇冊匣官

十八大樂令協律郎主節二閣門使典儀司贊一符寶官八通

事舍人十贊者二閣門內侍局十月九日勤政殿發冊泰和殿

受冊并命婦賀儀九月二十前一日儀鸞司設坐勤政殿南向

設羣臣次於朝堂大樂令展宮縣於殿庭設協律郎舉麾位於

樂縣西北東向閣門設百官班位於庭並如常朝之儀又設典

儀位於班位之東北贊者二人在南少退俱西向設冊使副位

於殿門外之東又設冊使副受命位於百官班前又設冊寶幄

次二於殿後東廂俱南向前一日尚書工其日諸衛勒所部略

列黃麾細仗於庭用前六部攝官七十一員擎執六百七十八人符寶郎奉八寶置於左右吏部侍郎奉冊禮部侍郎奉寶匣皆置於牀訖出就門外班大樂令協律郎樂工典儀贊者各入就位羣官等依時刻集朝堂俱就次各服朝服侍中約刻版奏請中嚴通事舍人引羣官入就於庭東西相向立以北爲上又引冊使副立於東偏門西向門下侍郎引主節奉節立於殿下東廊橫階道北中書令中書侍郎帥舉捧冊官奉冊牀立於節南侍中門下侍郎帥舉捧寶官奉寶牀立於冊牀之南俱西向侍中版奏外辦殿上索扇協律郎舉麾宮縣奏曲皇帝服通天冠絳紗袍出自東房曲直華蓋警蹕侍衛如常儀卽座南向坐簾卷樂止通事舍人引冊使副入宮縣奏曲使副就受命位侍中中書令門下侍郎中

大五百
小七十七

書侍郎舉捧官依舊西向立羣臣合班橫行北面如常朝之儀立定典儀曰再拜贊者承傳班首已下羣官在位者皆再拜班首問起居又再拜閤門官引攝侍中出班承制降詣使副東北西面稱有制使副稍前鞠躬再拜攝侍中宣制曰命公等持節授后冊寶宣制訖又俱再拜侍中還班門下侍郎引主節詣冊使所主節以節授門下侍郎門下侍郎執節面西授太尉太尉受付主節主節立於使副之左右門下侍郎退還班位中書侍郎引冊牀門下侍郎引寶牀立於冊使東北面西以次授與太尉太尉皆捧受冊牀置於北寶牀置於南侍中中書令禮儀使舉捧冊寶官及昇牀者退於東西墀道之左右相向立門下侍郎中書侍郎退還班位典儀曰再拜贊者承傳羣官在位者皆

再拜羣官拜訖分班歸東西相向立舉捧昇冊寶牀者進冊牀
先行讀冊官次之寶牀次行讀寶官次之舉捧官各分左右通
事舍人引冊使隨之以行持節者前導太尉初行宮縣樂作出
殿門樂止攝侍中出班升殿奏侍中臣言禮畢殿上索扇簾降
宮縣奏曲降入自東房樂止通事舍人引羣官在位者以次出
俟太尉司徒復命禮畢還內先是有司預設太尉司徒本品革
車鹵簿於門外至殿門左右排列俟使副出鼓吹振作鹵簿依本品合
得人數如無鹵簿鼓吹即代以錦衣人從禮儀使舉捧官執節者并擡昇人以冊寶
少駐於泰和門太尉司徒及讀冊寶官暫歸幕次內侍閣門引
入泰和殿俟至殿下位鼓吹止有司宿供張太和殿設皇后座
於展前殿上垂簾又設東西房於座之左右稍北又設受冊位

大五百二十五
小二十六

於殿庭西階之南東向又設內命婦次於殿之左右大樂令設
宮縣於庭協律郎設舉麾位於殿上又設冊寶次於門外又設
行事官次於門左右又設外命婦次於門之內其日諸衛於殿
門外略設黃麾細仗用後六部攝官三十六員擎執三百二十二人有司設二步障於
殿之西階簾前設扇左右各十紅繖一在西階欄子外又設舉
冊寶案位於使副之前北向又設宣徽使位於北廂南向司贊
設內外命婦以下陪列位於殿庭博道之左右每等重行異位
北向內命婦在後又設司贊位於東階東南贊者二人在南少
退俱西向質明執事官大樂令等各就位內外命婦擬各服其本服皇后常
服乘龍飾肩輿如無用小龍車子代至泰和殿後閣近仗導衛如常儀
宣徽使奏中嚴冊使副入門宮縣奏曲俟冊使庭中立樂止北冊

寶使副立於牀後禮儀使帥持節者立於前舉捧冊寶官立於
 冊寶牀左右讀冊寶官各立於其後宣徽使奏外辦內侍閣門
 官引后出後閣宮縣奏曲簾捲如首飾禕衣難迭成皇后降自
 西階皇后升降並左右步障繖扇從至階下望勤政殿御閣所
 在立樂止冊使進立於右宣曰有制閣門使內侍贊再拜冊使
 宣曰制遣太尉臣某司徒臣某恭授后冊寶閣門使內侍贊再
 拜冊使少退中書令侍中及舉捧官率擡舁人奉冊寶以次進
 於前宮縣奏曲冊寶牀自東階升並置於殿之前楹間冊牀在
南中畱讀冊寶官立位並去帕及蓋擡舁人執之退立於西朵
 殿舉擡官分左右相向立讀冊寶官各立於牀之東西向立既
 定樂止閣門使內侍贊再拜捧謝表官以表授左立內侍內侍

大五百零四
小六十七

以授后受訖以付右立內侍內侍持表立於右閣門使贊再拜
 訖冊使退宮縣奏曲持表內侍以表付閣門官隨冊使行冊使
 副至門鼓吹振奏如來儀人西偏門鼓吹止冊使副至御閣所
 在俯伏跪奏太尉臣姓名司徒臣姓名奉制授冊寶禮畢俯伏
 興退持表閣門官進表近侍接入進讀訖退初冊使退及門樂
 止閣門內侍引后自西階升殿宮縣奏曲繖扇止於簾外退於
 左右朵殿前步障止於階下卷之后於座前南向立樂止中書
 令詣冊牀南立北向稱中書令臣名謹讀冊讀畢降自東階立
 於欄外第一墀上西向次侍中詣寶牀南立北向揖稱侍中臣
 名讀寶讀畢降階立於中書令之北西向內侍閣門引升座宮
 縣奏曲坐定樂止舉捧官以次招擡舁人持帕蓋覆匣牀奉置

殿之左右冊牀在東寶牀在西置訖舉捧官以次降階立於中書令侍中
之後立定合班面北閣門贊再拜拜訖降東階退出殿門其擡
舁人置冊寶牀於東西訖各由朵殿下階於侍中等班後直出
殿門以俟復人擡舁入宮受冊表謝訖內侍跪奏禮畢閣門引
內外命婦陪列者以次進就北向位班首初行宮縣奏曲至位
樂止閣門曰再拜命婦皆再拜閣門引班首自西階升樂作至
階樂止進當座前北向躬致稱賀訖降自西階樂作至位樂止
閣門曰再拜舍人承傳命婦等皆再拜閣門使前承令降自西
階詣命婦前西北東向稱有教旨命婦等皆再拜閣門使宣曰
祇奉聖恩授以冊寶榮幸之至兢厲增深所賀知舍人曰再拜
命婦皆再拜訖內侍引內命婦還宮班首初行樂作出門樂止

大五百三十二
小十三

內侍引外命婦出次宣徽使奏稱禮畢降座宮縣奏曲入東房
樂止歸閣宮縣奏曲至閣樂止更常服內侍承教旨宣外命婦
入會並如常儀會畢閣門引外命婦降階橫班北向舍人曰再
拜訖以次出還宮如來儀中書門下侍郎計會引進司帥擡舁
人進冊寶入內交付與都檢點司退別日會羣官會妃主宗室
等賜酒設食簪花教坊作樂如內宴之儀 十一日朝兩宮先永壽宮次永寧宮并十三日恭謝太廟儀三日稟過皇后既受冊越二日內侍
設座於所御殿南向其日夙興宣徽使版奏中嚴質明諸侍衛
宮人俱詣寢殿奉迎宣徽使版奏外辦后首飾褱衣御車內侍
前導降自西階以出侍衛如常儀至太后之裏門外降車障扇
侍衛如常儀入至於西廂東向將至宣徽使版奏請中嚴既降

車宣徽使版奏外辦太后常服宣徽使引升座南向宣徽使引
后進升自西階北面再拜進跪致謝詞存撫賜酒食並如家人
之儀禮畢宣徽使贊再拜訖宣徽使引降自西階以出出門宣
徽使奏禮畢降座入宮 謝廟前一日齋戒於別殿內命婦應
從入廟者俱齋戒一日其日未明二刻有司陳設儀仗於后車
之左右以次排列外命婦先自太廟後門入內命婦嬪妃已下
俱詣殿庭起居訖宣徽使版奏中嚴少頃又奏外辦首飾禕衣
御肩輿取便路至車所內侍奏請降輿升車既升車奏請進發
車出元德東偏門內命婦嬪妃已下自殿門外上車由左掖門
出從至太廟門外儀仗止於門外回車南向內侍奏請降車升
輿后降車升輿就東神門外幄次下簾內命婦嬪妃已下降車

大五百一十
小十七

入就陪列位內侍引外命婦詣幄次前起居訖並赴殿庭陪列
位少頃宣徽使詣幄次贊行朝謁之禮簾卷宣徽使前導詣殿
庭階下西向褥位立宣徽使贊再拜內外命婦皆再拜宣徽使
前導升東階詣始祖皇帝神位香案前褥位宣徽使奏請三上
香又奏再拜拜訖宣徽使前導次詣獻祖已下十室並如上儀
宣徽使奏禮畢導歸幄次宣徽使奏請解嚴內外命婦幕次少
頃轉復還內如來儀外命婦退內侍奏請御輿出至車所奏請
升車既升車奏請進發內命婦上車至元德東偏門內侍奏請
降車升輿后御輿取便路還內內命婦從人冊禮畢百官上表
稱賀并以賧賀中宮

雜錄

天會十四年正月帝詣太皇太后宮賀御乾元殿受百官朝賀
十五年天元德二年十一月十五日有司檢照宋哲宗劉太后
眷元年同詣景靈宮其禁衛圖內御龍直傳聖旨打繖執從物五十三人
唐永貞元年憲宗尊母王氏爲太上皇后其冊儀稱有令旨元
和六年上皇太后尊號其儀稱有令呈稟訖皇太后稱令旨二
月五日設永壽永寧宮導駕各三十人壽安宮太皇太妃導從
二十人各設繖子二人九日稟訖盤鳳紫衫幘帶依弩手繖子
例又四月二十九日皇太后太皇太妃每年隨官錢各二萬貫
表二百段絹一千匹絲五千兩貞元儀皇太后導從駕六十八
繖子不在數並服簇四盤鷓團花紅錦襖子金花幘頭金鍍銀
束帶

大四百八十五
小十三

大金集禮卷五

大金集禮卷五

廣雅書局

番禺許之璇初校

宿松羅忠濟覆校

南海廖廷相再覆校

六十四
小五

大金集禮卷六

追謚后

聖穆 光懿皇后

欽獻皇后

欽仁皇后

惠昭皇后

永寧宮 欽慈 貞懿皇后

宣獻皇后

昭德皇后

悼平皇后 闕

聖穆 光懿皇后

天會十三年二月十一日追冊聖穆光懿皇后并德妃賢妃命
昱攝太尉奉上册寶宗翰攝中書令進冊韓企先充二妃冊贈
使查刺谷神攝侍中奉寶烏都保勝古攝中書令奉冊高慶裔
蔡靖攝門下侍郎讀寶韓昉張鈞攝中書侍郎讀冊并舉寶給
事中四舉冊中書舍人四押冊中書侍郎二讀冊中書舍人二
太常卿太常博士一典儀二冊文二月十一日乙卯孝孫
嗣皇帝臣諱謹再拜稽首言曰臣聞正位麗極肇造我家者必
資淑聖然後成帝王之功考諡定名昭示厥後者非薦徽尊無
以見后妃之德繫國朝之令典著今古之彝儀伏惟太母博厚
配天貞明齊日安順靜慈肅雍塞淵開王化以始基篤人倫而

大二百九十九
小六

正本慶流者遠挺生胄族之華善積在躬秀發閨齡之妙言爲
國史動合箴規鏘璜瑀以和鳴容皆中節飾紘緼而整治藝則
生知粵自高門言歸烈祖時屬經綸之際進膺窈窕之求禮未
備於造舟志已躬於服澣義爰六子資生允賴於坤儀周亂十
人同德莫先於文母體參龍躍祥發燕謀贊榛栗以告虔羞蘋
蘩而昭信必敬必戒至靜至柔教以身而先人化自家而刑國
琴瑟在御副禕以朝若媯汭之嬪虞用全舜孝邁塗山之興夏
實佐禹功有開必先篤生皇考立子以適肆及眇躬永惟輔佐
之憂勞旣勤祖構宜享治安之逸樂遽棄母儀迄茲纂承彌極
攀慕弗獲逮事徒瞻服飾之山河未究推尊有感蒸嘗之霜露
是以秉均元老慈禮碩儒謀皆一辭龜得吉卜請奉長秋之號

追嚴厚夜之藏強爲之名道或存於擬議俄爾可測功豈盡於形容謹遣攝太尉皇叔祖大司空昱奉玉冊玉寶上尊諡曰聖穆皇后伏惟皇靈在天景福昌後衣冠原廟聿從高帝之游松柏闕宮寅奉姜嫄之祀名貽不朽德播無疆嗚呼哀哉謹言
二月十一日乙卯孝孫嗣皇帝臣諱謹再拜稽首言曰臣聞塗山儷禹史稱啟夏之功莘國配文詩播興周之美洪惟令德負掩前芳苟非著勤崇垂後之公何以申報本飾終之孝若稽典則允協神人恭惟皇后挺生名宗來符興運稟是柔嘉之性形爲貞靜之姿蚤以賢稱遂爲聖偶窈窕率禮藹關睢淑女之風儆戒持心得雞鳴賢妃之道我烈祖登大寶之始而太母正中宮之尊助日宣光配天居體躬蘋蘩以奉宗祏服瀚濯以訓宮

大五百二十三
小十

庭至於敬老尙賢矜孤閔乏嘗聞國論言必有稽聞豫兵機謀無不中歷覽千古寶惟一人志存社稷之深澤溢子孫之遠逮膺纘紹彌用追懷悵慈範之永遠悅徽音之如在致四海之養旣弗及於承顏備萬物之儀固無能於稱德尙書政府宗伯禮官僉謂移御舊宮升祔世室宜刺六經之載用光百世之傳謹遣攝太尉皇叔祖大司空昱奉玉冊玉寶上尊諡曰光懿皇后伏惟俯納精誠昭膺懿號珠襦玉匣陪弓劔於軒臺風馬雲車從衣冠於漢廟永綏純嘏幽贊丕圖嗚呼哀哉謹言

欽獻皇后

天會十四年二月五日上欽獻皇后尊諡威德悉備曰欽聰明睿智曰獻命習古乃克太尉上冊寶謀衍進冊宗彌奉寶阿離寶奉冊趙輪讀

寶韓昉讀冊并舉寶舉冊官各二太常卿太常博士一典儀二

欽仁皇后

皇統三年八月二十二日上欽仁皇后尊諡敬事節用曰欽命

貴賢親親曰仁命

待制高士談撰冊文命都點檢元當日告廟命太尉裴滿達奉
上冊寶中書令韓企先進冊平章奕攝侍中左丞宗憲右丞蕭
仲恭攝門下中書侍郎大理卿馬謬侍郎趙炯等四員舉冊并
太常卿太常博士一冊文八月二十一日乙巳孝孫嗣皇
帝臣諱謹再拜稽首言曰昔我皇祖誕膺天命肇造區宇用垂
統於後世至於太宗聰明勇智克篤前烈迄用有成聲教暨於
朔南仁恩被於動植天監厥德用錫無疆之業雖簡在帝心本
自神聖而輔佐憂勤實與有力恭惟大行太皇太后坤靈毓粹

大四百七十七
小二十九

圓魄儲精作合皇家儷休宸極儉以約己勤以率人陰教行於
六宮素風表於千祀用能體資生之道助播物之功四海莫不
蒙仁二儀於焉饗德雖塗山啟夏渭涘興周無以專其美也及
先皇厭代哀感過禮就養東朝德輝彌耀顧惟寡昧嗣守丕基
方賴慈訓庶臻於理而昊穹弗憖大數俄及惘然追懷哀恫曷
已今者卜筮告吉因山有期爰制近司請明舊典惟舉位以定
名考諡以尊德所以揚茂美而傳休聲由周而來率用是道庶
憑徽號以稱褒崇謹遣太尉行會寧牧鄭國王臣裴滿達奉冊
寶上尊諡曰欽仁皇后伏惟聖靈在天令名不朽光配清廟永
世無疆嗚呼哀哉謹言

惠昭皇后

天會十三年九月二日追冊惠昭皇后徽宗景宣皇后

永寧宮

貞元三年十月二十一日上永寧宮謚曰慈憲視民如子日慈行善可紀日憲

九月七日稟訖於殯殿親行禮外尙書省就便差官八日差侍

講胡礪撰謚議學士施宜生撰謚冊文命禮部侍郎王競書篆

冊寶並給十月□日命太師思忠充大禮使右相師恭左相張

浩攝侍中奉寶讀寶平章張暉蕭玉攝中書令奉冊讀冊左右

丞參政攝引寶門下侍郎引冊中書侍郎三品以上四員充舉

寶舉冊官并差昇寶盞官十二昇冊匣官十八太常博士五大引

禮使侍中中書令并引冊寶狀翰林使二讀祝太祝一舉祝冊官奉禮郎二十

八日遣使丕承殿奏告百官陪位二十一日行禮前期有司供

大四百五十三
小四十

帳於殯殿設神御牀案及設小次於殿下東廂又設冊寶幄殿

於東廊南空地內殿前司宣徽院約度差甲騎旗鼓門仗官香

輿自製造冊寶所迎奉冊寶奉安於殿騎從儀同是日未明有司鋪

設香案供具等物於神位前設祝冊案於神位之右又設拜褥

三一在阼階上西面殯殿別無阼階於殿東階上面西設拜褥一在香案南面北一

在殿上東欄子內面西質明有司備常行儀仗皇帝自宮中便

服乘馬百官後從大禮使已下行事官等公服於殯殿門外迎

立至殯殿門外下馬步入小次少頃御史臺催班大禮使行事

官自幄殿奉冊寶於殿西階下置定大禮使行押班位閣門使

奏班齊皇帝更衣太常卿奏請行奉上冊寶之禮宣徽使太常

卿分左右導升阼階上詣褥位面西立宣徽使太常卿前侍宣

徽使贊請再拜凡拜皆宣閣門使臚傳在位官皆再拜贊請由殿上正門入於香案前褥位再拜上香又再拜退稍東於欄子內面西褥位立定典儀司徹香案前拜褥設冊寶褥位於香案南舉冊昇冊官取冊匣於牀對捧由西階升中書侍郎分左右前導奉冊中書令讀冊中書令並後從候褥位置定中書侍郎舉冊昇冊官稍退立奉冊中書令稍前於褥位再拜退就殿階上西南柱外面東立讀冊中書令稍前再拜昇冊官取匣蓋下置於西階下冊牀上舉冊官對舉冊讀冊中書令一拜跪摺笏讀讀訖就一拜起又再拜退立於奉冊中書令之次凡讀冊寶皆跪聽奉冊中書令少進與中書侍郎率舉冊昇冊官奉冊匣由西階下引從如上儀復置於冊牀置定舉寶昇寶官以寶盃升

大五百一十四
小四十四

至侍中讀畢由西階下復置於牀皆如冊匣之儀有司徹冊寶褥位再拜上香上茶上酒樂作三醑樂止太祝讀祝文訖再拜復歸阼階褥位立定大樂使升殿於香案南宣徽使處受福酒恭詣阼階褥位前宣徽使贊皇帝再拜飲福大禮使跪以酒盞進皇帝跪飲訖大禮使跪受酒盞宣徽使贊再拜閣門臚傳在位官皆再拜大禮使以酒盞復授宣徽使訖由西階下歸班位太常卿宣徽使前導歸小次卽座簾降太常卿跪奏禮畢皇帝便服百官皆卷班西出大禮使以下奉冊寶牀納於殯殿左右相當處權行收頓有司轉仗由來路奉車駕還內

大定二年四月九日改德宗為明肅永壽宮贈為哀皇后慈憲未改舊諡二十二年四月十一日明肅降遼王正妃追封遼王

妃夫人李氏娘子徒單氏并庶人所生母並封王夫人誥冊漢字分付其孫元奴

欽慈 貞懿皇后

大定元年十一月十五日追冊皇妣蒲察氏曰欽慈皇后皇妣李氏曰貞懿皇后

宣獻皇后

大定二年四月禮官檢引宋太常因革禮太平興國二年敕越國夫人苻氏故夫人尹氏並追冊皇后合所司擇日備禮冊命禮院奏伏惟周廣順元年九月中追冊皇后柴氏顯德四年追冊皇后劉氏並不行冊禮建隆三年追冊皇后賀氏亦不行冊禮詔依建隆三年故事又宋會要建隆元年追冊帝母為皇太

大四百五十八
小五

后仍令有司擇日備禮後不行冊禮自後凡制書云冊命者皆未嘗行冊禮兼昨日追冊睿宗皇帝欽慈貞懿皇后亦不行冊禮今睿宗母及故皇后加上尊諡有無依典故體例只降詔追冊尋擬奏合行詔從之睿宗母諡宣獻聖善周聞曰宣聰明睿智曰獻二十六日降詔曰恭惟祖妣作合太尊慶育睿考致三靈眷佑邦祚以永而天祿集於眇躬尊祖之義禮宜報本以朕心嚴父之孝推聖考念母之誠等而上之志非敢後謹上尊諡曰宣獻皇后仍令有司擇日備禮冊命主者施行布告中外體予至懷

昭德皇后

大定二年四月二十六日詔曰國家之體典故具存正位居尊必緣情而及伉儷懷昔追遠亦備禮以盡哀榮爰舉愍章用慰

寔窆下逮視寢悉使正名庶幾有知欽承休命故妃烏林荅氏
可追諡為昭德皇后仍令有司擇日備禮冊命故夫人僕散氏
可追封元妃故夫人張氏可追封宸妃主者施行布告中外咸
使聞知

大金集禮卷六

番禺許之璇初校
北平史悠咸覆校
南海廖廷相再覆校

大三百二十三
小一十七

大金集禮卷七

妃

冊太皇太妃

追封

雜錄

冊太皇太妃

天德二年正月二十五日尊冊太皇太妃命特進宗睦特進宗
厚充冊使副左丞宗義攝侍中參政劉麟攝中書令門下中書
侍郎各二讀冊讀寶官各一舉冊舉寶官各二以三品四品官
攝充太常博士通事舍人有正官外差內給事一禮直官一昇
寶蓋官十二昇冊匣官十八命直學士劉長言撰冊文禮部外

郎王競書篆冊寶二十一日擬稟行禮儀式并冊寶等事准行
外候二太后禮畢於太和殿發冊冊簡用玉石爲之條數合扣
冊文多寡用之其牀匣亦隨冊之長短並紅漆金鍍銀裝釘條
網用紅絲帕用梅紅羅銷金以雲鳳爲飾襯褥亦用素紅羅表
紅絹裏檀骨全寶以金爲之龜紐小大制度從宜製造紐下鍍水地四面
鍍雲鳳檢斗並用銀金鍍寶蓋并牀並紅漆金鍍銀裝釘帕用
梅紅羅表紅絹裏銷金以雲鳳爲飾襯褥亦用紅羅表紅絹裏
檀骨全法物依前來製度其日質明應行事官帥弩手織子門仗官
於尙書省引導冊寶進入內由蕭牆東門至勤政殿東廊下幄
次內權置禮直官引攝侍中中書令讀舉昇冊寶官昇冊寶牀
弩手織子等並在東廊下於冊寶幄次前立以俟禮直官又引

大四百零三
小二十

冊使副立於勤政殿門外東西相向立以俟皇帝卽座衛官文
武百寮起居訖分東西相向立禮直官通事舍人太常博士引
冊使副入就冊寶褥位稍西當中北向典儀曰再拜贊者承傳
在位官皆再拜典儀與贊者擬通事舍人充侍中承旨降自東階詣冊使前
東北西向稱有制典儀曰再拜贊者承傳冊使已下應在位官
皆再拜侍中宣曰冊元妃爲太皇太妃公等奉玉冊金寶展禮
宣訖冊使副再拜侍中退復位次引冊使詣受冊褥位立定又
引中書令詣冊使前東北西向立中書侍郎引冊案立於中書
令之右中書令跪取冊授冊使跪受訖興置於案舉案者退立於後冊
使中書令中書侍郎俱退復本班次引副使詣受寶褥位立定
又引侍中詣副使前東北西向立門下侍郎引寶案立於侍中

舉案者退
立於後 副使

之右侍中跪取寶以授副使跪受訖興置於案
侍中門下侍郎俱退復本班典禮曰再拜贊者承傳使副以下
應在位官皆再拜訖禮直官通事舍人太常博士引冊使押冊
副使押寶出引導如來儀宣徽使奏具官臣某言禮畢降座百
官出發冊訖冊使副應行事官分引冊寶至太皇太妃本宮外
幄次內權置訖冊北
寶南內給事先入報請太皇太妃服褕翟服禮行
甫近擬
用常服就座禮直官通事舍人太常博士引冊寶并使副及應
行事官內給事俱入就殿庭前西階下東向位冊寶少置冊北
寶南
使副及行事官立於其後少頃又引內給事進就南向立禮直
官及通事舍人太常博士引冊使副就內給事前使副
稍卻東向稱
皇帝遣冊使姓名副使姓名奉玉冊金寶上懿號曰太皇太妃

大五百一十
小五十

內給事先升詣座前躬言訖次禮直官通事舍人太常博士引
冊寶前行冊寶匣蓋先去
置於冊寶牀上使副并讀舉冊寶官從升內給事
少進東向立昇冊官當座前舉冊官單跪對舉讀冊官拜跪讀
訖俛伏興以冊授內給事昇寶官昇寶盃升並如冊儀使副興
行事官並退內給事贊言禮畢

追封

天會十三年二月追冊德妃賢妃以韓企先為冊贈使 皇統
五年十二月二十九日以諸妃所封多同詳定到元妃惠妃麗
妃華妃唐制皆正一品擬用封先帝諸妃仍以宮名別之如收
國天輔年諸妃則曰慶元宮某妃天會年諸妃則曰明德宮某
妃景宣皇帝於典禮亦當立原廟建宮名其妃號亦當冠以某

妃其高下之序則以元妃惠妃麗妃華妃貴妃淑妃德妃賢妃
 為次其冠以先帝宮名者先慶元宮次明德宮敕旨准奏 大
 定二年四月二十六日詔追諡昭德皇后并故夫人僕散氏追
 封元妃故夫人張氏封追宸妃十一月十五日宸妃改封惠妃
 十九年八月奉敕旨故磨撒妃追封太皇太妃有司擬奏晉
 成帝貴人周氏生哀帝即位崇為皇太妃孝武母李氏孝武即
 位加為皇太妃二妃皆以子貴故稱太又唐皇后傳入廟稱后
 繫夫在朝稱太繫子與今蕭妃事體不同恐難稱太皇太妃兼
 照到本朝太祖妃烏古論氏日元妃太宗妃耶律氏日崇妃合
 依已行故事追封妃號敕旨從之追封崇妃差官齎送誥命仍
 致祭候將來一就掩葬

大四百七十七
 小一十八

雜錄

天德二年二月五日設太皇太妃導從三十人傘子二人九日
 稟訖盤鳳紫衫幘帶依弩手傘子例四月二十九日太皇太妃
 每年錢二萬貫表二百段絹一千疋綿五千兩妃每位歲給錢
 一萬貫表一百段絹三百疋綿三千兩嬪已下五千貫表五十
 段絹二百疋綿二千兩諸嬪妃共設導從四十人並幘頭紫衫
 衫上繡盤芭蕉為飾貞元儀式妃嬪導從共用二百二十人衣襖幘帶並仍帶 大定二年
 七月五日擬奏正隆二年四月海陵庶人批劄內職尙宮夫人
 以上及公主王如郡縣主王夫人誥命並用御寶相銜王妃王
 夫人亦入辭檢討到唐會要吏部告身印加告身兩字又太常
 因革禮皇后告身有司進納於宮中見得妃嬪已下告身並合

有司用印敕旨依典故行二年十一月十五日敕旨內職四品
以上給宣誥五品以上只給告七年閏七月一日敕旨令後宮
中親王及妃嬪等宣誥並以漢兒字給授十一年八月三日敕
旨今後宮中妃嬪止以誥授不須用宣二十年三月七日敕旨一
品官職及宮中公主妃用玉寶九日稟奏緣內職公主王妃等
並係誥授用吏部告印奉敕旨妃嬪已上及公主王妃並給宣
誥其誥仍舊已下止給告

番禺許之璇初校

北平史悠咸覆校

南海廖廷相再覆校

大金集禮卷七

大三百九十七
小二十七

